

读书斋偶存稿

叶方藹

文碩閣

wenshuoge.com

目录

关于我们	3
提要	5
读书斋偶存稿卷一	6
读书斋偶存稿卷二	27
读书斋偶存稿卷三	51
读书斋偶存稿卷四	65

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨案读书斋偶存稿四卷

国朝叶方蔼撰方蔼字子吉号切庵崑山人顺治己亥进士第三人及第官至翰林院学士兼礼部侍郎加本部尚书銜卒諡文敏方蔼释褐后即以文章受知

世祖章皇帝数称道其学问方蔼授学士述怀诗所云敢道齐贤留异日屡称苏轼是奇才者是也后复防

圣祖仁皇帝召入南书房与张英等同预

内直矢音赓唱拜手颺言歌咏升平遭逢盛际其诗亦进而益上未遇时尝着有 斋集得第后遂置不复存此本皆在朝及告归时所作不分体不编年疑方蔼所自选辑故篇什虽少而已足尽其佳胜矣王原称方蔼以诗文为已任诗宗苏陆文宗眉山生平服膺王士禛之诗汪琬之文实兼有二家之长云云今是稿不及杂文而诗则诸体具备核其格律大都风神俊逸清丽芊绵虽未及士禛之秀骨天成而和雅春容其清才正未可及在

国初诸名家中实可参置一席焉乾隆四十六年七月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

读书斋偶存稿卷一

礼部尚书衔叶方蔼撰

西域贡师子行

皇帝御寓十七载化东渐海西流沙欵关重译走万里梯高航险轻舟车都人謹諱贡兽至隘道穀击肩争摩臣时橐笔侍丹禁但听传说相咨嗟喙多音杂语非一尽惊异物声呀呀雄筋附骨太硯礪拳毛垂体何鬚髻爪利千钩积沉铁毗翻百炬凌頰霞哮呼恍疑撼山岳蹴踏直恐堙江河譎怪不数夏鼎勒瓌诡足使山经夸小臣闻此内思省吾

君声教诚无涯

圣朝诂贵难得物遠人输苕良可嘉西旅之獒越裳雉盛世岂必遮荒遐

皇心母乃欲柔遠区区一兽宁足多

勅付虞官掌刍秣隶之熊馆与虎衙臣退又伏考图记此物实稟金行奢在上星精应太白譬诸于器为莫邪山林所至百兽伏亦如王国有爪牙刚劲端可作士气古人所以轼怒蛙况乃

圣主正垂拱能变犷戾皆中和大开明堂辑羣瑞侯尉何异共一家雕题凿齿尽来防进琛贡賁纷如麻此物亦同百兽舞驹虞麟趾奚争差小臣再拜复献赋敢笑虞监无才华

康熙十七年闰三月二十八日

皇上亲洒宸翰颁赐从臣各两幅臣方蔼获与焉主恩臣遇千载一时恭赋七言二章以纪遭逢之盛龙牋两幅日星凝

帝语传颁肃拜兴直向仓轩披奥窔俯看羲献总云仍一波欲挽千钧弩三折真垂万歳藤知是化工名莫得揆天测海媿无能

墨池春暖涨恩波晓日光先上馭娑自幸身频沾雨露忽惊影欲傍星河宠同题署知还倍【宋太宗皇帝为翰林承旨苏易简题玉堂之署四字以臣方之所叨】

【圣赐为多】荣比登牀较更多【唐臣刘洎登太宗皇帝御牀求赐书法以臣方之所洊圣恩尤厚】永与儒臣增盛事千秋青简待编摩

八月六日于神武门

賜觀西洋進貢師子

神物何時降海涯
遠隨貢使出流沙
思瞻化日依靈囿
欲繭浮雲駕鼓車
百獸舞中看獨異
萬年圖上見曾賒
【宋人萬年瑞應圖
後世多撫之所畫
異獸形極多未若
今所見之威神也】
承

恩竊紀來庭盛
樂府慚無好句夸

八月十八日防

恩賜觀

御制詩集恭紀十六韻

唐德文思首虞徽濬哲名負圖
龍出字吹律鳳諧聲
吾後尤天縱皇王總莫京
禮園時嘯咏書圃復崢嶸
散藻星雲竝鏤章綺綉成
六經同黼黻五典比簾笙
民物紆宸慮山川入

睿情片言蘊萬象
一氣宥羣生

特勅教披覽

溫綸更疊并捧來霞的
爍拜起日光明彩識金符
絢音聆玉琯清愚瞽
開爽躁競忽和平
戴斗神常竦瞻霄
體欲輕
幾人沾異數
畢世沐殊榮
管益知穹大
蠡惟見海盈端
如聞廣樂七日寤
還驚

五月三十日進講畢

皇上天語慰勉賜講臣

御筆各二幅元臣趙孟頫書
不自棄文石刻一冊方藹
侍講未久叨預茲賜感恩
慙報 仄
難名恭賦志盛兼呈說
岩夢敦澹人諸公

禁苑追陪二十春
向來名迹最情親
承恩屢許同前席
拜賜猶能接後塵
玉陛從容魚貫入
文茵分列鴈行陳
常思鄭重

君王意共誓丹誠
拱北辰

恭和

圣制题御殿絶句

十二闲开御道旁龙髻凤臆宛交翔一从

天语亲题后世上方知有骊骊

恭和

圣制赐内大臣辅国将军俄启絶句

双飞一箭堕秋风繁弱犹弯旧赐弓

天子正歌狸首待将军不数虎头雄

恭和

圣制大将军奏至元凶隕毙贼党溃散

勅谕诸将帅分道进剿以安集斯民毋为贼众所侵其

有归命者用心抚辑毋负朝廷至意

已正天诛待

后来

皇恩一面网还开即看洱海垂囊入直向澜江洗甲廻

八月二十日

召见懋勤殿奉

命赋经筵诗

延英别殿集簪裾

圣主亲临问道初稽古思陈金镜录 文时展石渠书一元苞衍应无外半部经纶自有余【
是日讲臣进讲周易论语二书】多愧小儒逢

盛典欲賡访落恨才疎

防拜翰林学士之

命感

恩述懷四首

祕殿朝趋 晓钟七年

经幄许从容昼三接处

恩偏厚官九迁时愧更重【康熙十二年五月以翰林院编修充讲官十四年三月升国子监司业五月升翰林院侍讲仍充讲官十五年正月升左春坊左庶子兼侍读五年升翰林院侍讲学士十六年四月转侍读学士十七年七月充 经筵讲官十二月遂有此命】

御笔屡教瞻翥凤

袞衣频得傍升龙平生稽古思尧舜何幸

彤墀咫尺逢

颛愚讵敢忘抒忠捧土何能益岱嵩

圣德已周三极溥

王言长并六经崇宵看奎聚占乾象晨检书籤识帝鸿縻禄祇羞无寸补空余履迹沾

璇穹

麻衣席帽满尘埃亲荷

先皇衅沐来敢道齐贤留异日屡称苏轼是奇才【戊戌春充贡士入都先皇帝召见亲试列名第八己亥春再试列第一八月举南宫九月传胪日 亲谕朕知汝久特拔汝为一甲进士又数对臣下称道其文章】身离牛口惊还在梦挽龙髯恨不回今遇我

君重拂拭孤桐果否爨余材

柯亭刘井昔贤情【明代学士柯潜于院中搆一亭学士刘定之于亭傍浚一井二人皆有贤

名其遗迹至今仰之】异代风流忆老成巍巍可能追往彦悠悠多恐负浮名质文尚欲陈三代礼乐终应俟两生闻道济川才不乏高冈翮羽聽长鸣【时方奉防征聘海内博闻之士云集阙下故云】

赐鱼恭纪

太液波涵晓日明锦鳞出水浪纹轻曾经在沼娱宸览忽许充庖荷

圣情斫处银刀光错落盛来玉盃雪纵横频扪馋腹沾恩重却愧非贤负鼎烹

赐文雉恭纪

云防高张

帝道隆颁禽义取羽毛丰昔年陈寶徒虚语今日君王自获雄

五色离披坠马前俄欣登俎味芳鲜分甘共贺文明瑞不数安仁射雉篇

越裳 纵堪驯不畜珍禽自

圣神要使在廷思耿介特传

天语赐词臣

惊看翠彩出

仙庖为掺盐梅济泰交 筯幸沾真雨露何须还筮鼎三爻

温泉恭纪

何来瑶窦溅珠新皎洁琉璃莹絕尘灵液滙成千顷碧天波散作万家春

千里浑河水欲冰寒流此日更清澄应緣地脉偏深厚王气如龙拱

孝陵

融融湑湑是琼浆

圣母同称万壽觴解道

天心多福应须知水德本灵长

神泉脉脉流仙都直欲置身游此中

圣泽深无际汪濊端能润九州

凝成甘露拂薰风喷薄还应万古同缥缈源通霄汉上綢繆人在太和中

阳春早已遍郊垌温润还堪驗水经

圣主不须黄竹咏微臣殊愧醴泉铭

癸丑侍宴瀛台泛舟赏荷应

制

凤辇凌晨出龙旂夹道陈雨师才洒路风伯更清尘九陌

恩光遍千门淑气新万人扶杖看

天子肃嘉賓

夏后璿台上周王瑶水前何如逢

圣主开宴集羣贤云壑冥丹地冠簪俨列仙千秋传盛事光耀史臣编

御座霞为幄花林玉作台更无凡迹到只许近臣来睟穆依

天表恩荣浹上台太平欣正永长日得追陪

诏许僊舟泛人行一镜中象将河汉接气与斗牛通苕藻翻轻影鳬鹭接遠空朝宗皆到海心共百川同光风动水际异采发华滋翠盖亭亭立红衣冉冉时卑枝低骇鬣密叶暗巢龟微物生多幸终年荷

圣私

泰始骈花见元嘉合干生昔人闻艳羨此日睹芬荣美景纓

皇览佳辰鬯

睿情迎飏前复却是恋霓旌

台鼎罗庖膳中人献酒浆兼珍

宸泽沛温语

帝情长北斗临尧陛南薰拂舜裳还应歌既醉一为答君王

饮出仙盘露餐分

内殿冰清讴聼緑水美防就苍藤坐许移前席车容托后乘熊羆今不少谁与梦相应

皞皞人归化欣欣物遂初

瑶堦争拾菓玉洞竞探书驯狎冈鸣鹿纷披藻跃鱼愿将式食意普被万方余

先帝昔召见微臣拜

冕旒【臣昔丁酉歲充江南贡士至京师防
世祖皇帝召见试瀛台赋于稠人中拔置第一】今来还橐笔复得奉

宸游术浅慙无补

恩深憾莫酬此心同沼卉歲歲绕瀛洲

拟应制

尧日昭千古虞风洽九州山川争献瑞河洛共陈畴絶域妖氛洗邊庭猎火收七旬宣至德六月壮猷玉弩干灵震璇枢庙筭周受降先筑堦定遠不须侯大度惟容众神功定遏刘自能驯虎豹多事奋貔貅苜蓿将花献瑚作树投归心随马首拜手列螭头曙晓开闾阖天高识冕旒朱鳧穷异域白道达遐陬榆塞看飞鴈桃林好放牛羽书沙海絶烽戍玉闕休共仰车书遠还看礼乐修九功歌凤管七德舞龙旂星届轩台外风随禹甸流百年销反侧万国效共球士享承平乐人从大化游鹓班垂缙笏虎旅脱呉钩极拱辰偏焕云开气欲浮升文绵寶厯戢武固金瓯遥识千山净应知百禄遒文章思报国弭笔上歌讴

咏史二首

王阳忼慨士谈经琅邪东一朝徵赴阙被服何雍容上书陈至治责难首君躬意欲兴礼乐再还三代风天子览书笑迂阔哉是翁道高不偶俗丑正众所同公卿莫推挽淹卧伏丘中惟有

弹冠者千秋忆贡公

吾思作仆射不如饮酒乐渠岂不爱官难免中心忤世固哂吾愚吾亦苦世窄便令希韦脂终
然成枿凿常恐十州铁不能铸一错以兹凛失蹈若履春冰薄望古邈兴嗟素懷庶可托

宿通州水月庵故人朱锡鬯客龚使君所怅不得见寄以是诗

明月如积雪招提悄无人朗然入懷抱鉴吾须眉真徘徊檐宇下脉脉谁相亲故人朱夫子闻
居此城闉入幕称上客不数郗嘉宾吾恨别来濶郁结苦未申径欲披其帷又畏桓公嗔相思
但搔首一夕素髮新题诗倘君见知吾欸欸因皇都淑气早风光漾新春吾庐虽百无榻尚悬
梁尘况复酒家姥近移住西邻珍珠滴槽红入口味尤醇君车无四角疾来莫逡巡解榻餘邻
酒疑义共评论

送宋员外之贑州

急霰中宵零征客侵晨发如何行役期恰值苦寒月王事有严程讵敢惜离别马毛缩短犹去
踏坚冰裂稍喜前路稳从容理舟楫鼓柁乘江流春潮正层叠防州古名郡维南控百越章贡
二水汇环抱形如玦商旅喜君至懽噪迎使节此方我夙歷风土足怡悅近闻兵火靖三户颇
宁帖郁孤有高台披襟甚轩豁灌侯旧筑城遗趾亦突兀直北眺中原青天露一髮却愁軫故
交遠思难抑遏手折庾岭花目断燕山雪

上冯相国二十四韵

列郡青齐大东连万里津地钟星斗异帝赉股肱新仪凤鸣岐岭非熊猎渭滨乘时逢

圣代翊运赖斯人早应金瓯卜旋闻玉铉陈紫宸扶日月黄阁掌丝纶变理三公贵都俞一德
亲恩波天浩荡风采岳嶙峋袖拂祥烟细笺题

御墨频小心常翼翼大议必谆谆巩固思磐石绸缪在徙薪长庚光独旦霖雨泽皆春吐握招
多士休容识个臣宅师襄

黼宸賛化补鸿钧行使横戈偃将令比屋淳清名传饮藁正色厉垂绅燕许文章并防龙事业
均志长緣报国髮短为忧民听律知佳节悬弧及令辰尚方颁翠釜别墅防朱轮偃盖松逾茂
修翎鹤更驯吹嘘慙寸卉游泳托纖鳞靡禄曾无补拯衣幸有因惟应颂平格翹首仰高旻

苍水移寓戏讯三首

人生非蜗牛安能行戴屋看君席未暖旅舍已屡卜六月黄尘飞炎天正三伏一马逐二童情
思何翬翬先生本胜流行李亦不俗摒当旧琴弦提携破衣簏瓶甕与瓮酱饥时佐充腹防夷

盛余沥尚可葛巾漉此外无长物担荷一夫足只愁吟卷富盈箱复累轴几牛压弗胜须覓千斤犍

新舍何所有君言有驴鸣昼愁聒耳聋夜苦侵梦惊有如众楚咻鵠舌无时停如何王武子爱之比琴笙子荆亦佳士作意肖其声乃知世所尚美丑讵敢争千秋韩陵石砺角今已平

便便十围腹昂昂七尺躯先生伟衣冠胡为来此居欠伸欲打头容膝略无余来往路旁子驻马皆踟蹰朝多贤公卿风雷化呵嘘曷不早荐士孰若先生如立之在闾阖高咏陈黄虞渠夏屋内岂不承权舆惟吾为君谋彼非良图世路苦偏侧公门诘坦途先生有心胸先生有眉须奚舍吾嚬笑强随众步趋此室诚已卑俯仰任卷舒入无妻子谪出无长官拘糟糠苟不忧曲肱梦蘧蘧君王虽有问莫奏东封书

苍水过寓招阮亭骏孙同饮前一日得细林山人书【限个字】

侵晨干雀声喧呼儿言今日高轩过吾居此庐近两载门前客来有防个董侯落拓偏好吾屐齿刚冲苔面破空梁一榻悬已久为君拂拭留君坐急呼东隣彭与王共斟浊醪慰轆轳自从都城十日霖车轮摧折马蹄涴眼看沧海便横流谁能手障狂澜那书生未暇忧人国关情桂玉愁寒饿今夕何夕把盞望屋角斜挂明星大尔曹雄辩复袞袞顿令惊听失慵惰昨朝接得细林书怪吾虚名被网罗譬如北斗不可挹譬如南箕不可 廿年游宦百无成团团空似驴逐磨田园芜尽只不归山灵有知宁免唾以兹孤懷忽触拨乡心半夜难抑挫天明朝簪真可脱那惜冲泥整鞍防劝君对酒且为欢此庐岂我能长卧却愁公等再来时高歌击筑何人和

附录董俞作

玉堂故人折简招彭王二妙聯轡过冰瓯冷侵 果鲜兰醕香透黄封破何来青衫一腐儒脱帽啣杯据上坐自怜潦倒走风尘偶憩燕市解鞍防荆高死后剑客稀谁能击筑杂哀些相逢旧好三太息生也形神顿摧挫丁年意气盛莫当昔何其强今何悞自从举世憎文笔哦咿辄遭贵游唾逢掖固知非俊物屠贩居然号奇货奚为白首不追悔诗人例应获穷饿眼前劝尔尽一尊仰视檐角星斗大王子郎署宦不達彭郎禄位亦轆轳学士萧散江湖情清吟抱膝愁无那小臣忝备顧問列大事诸公克负荷生平痼疾烟霞深南望云山隔紫逻因兹闲话九峯游九峯主人同唱和此子落拓谢浮名廿年高拥白云卧遥思幽筑青山巔梅花千树竹万个簞笠荷衣世外装饲鱼调鹤闲居课言罢知君少宦情仙骨肯教繁华涴贱子无端京洛游自笑筋力干谒惰明日拂衣归去来一犁春雨耕黄稭

附录王士禛作

长安风尘日堀堞扇障不能衣苦涴天官昨占月离毕十日愁霖足高卧高车大马诸贵人今雨萧条谁肯过玉峯学士数相见打门不辞泥没髀今朝置酒招吾饮黄雀披绵蜻蚱剉百杯以后呼酪奴白绢斜封朱印破天下健者今董公富贵浮云轻涕唾彭郎未奉一囊粟路鬼挪

揄甘冻饿抱膝谁信比管乐高论依然溯卿轲世情莫问牢石邪女子犹知伯休那酒酣岸帻忽大笑吾曹蚕丝自纏裹青山一髮江南路雨笠烟蓑有几个细林主人老耽隐枕上九峯青错磨渔樵近局不争席复有名僧伴高座空山水流花更开不识都门送临贺吾生未睹细林面闻君快语殊已瘳【已瘳见山海经】当年吾作万里游剑阁西风听铃防凌霄九峯悔轻别筋弩肉缓四体惰他年但乞五湖长才话莼鲈口先哆未须木石笑吳儿小海歌时吾当和

附錄彭孙通作

经年未乞一囊粟侏儒饱死东方饿朝来庭叶忽坐飞感此茫茫意摧挫出门四顾安所之短驴蹢躅蚁行磨东吴故人数见招容我高斋时一过蝉聯清话每向夕羈思消除旅顏破长安麴米擅高价斗酒青钱三百个西隣贯得命杯鎗轩脰堆盘细剗剗高歌不叹食无鱼邾莒餐如齐鲁大王郎最有箕颍情珠玉缤纷生咳唾董生本是疎狂人白社相寻能唱和吟懷俊快鷹得霜饮态清妍梨钉坐停杯更话细林游逃名有客耽高卧葛帔绡巾黜俗緣横琴散帙留清课翠微长任白云封青山肯受黄尘浣只今天地未休兵湖海风波日掀簸衮衮京华多贵游出入承明奉朝贺扫除祸乱还太平勉在羣公相担荷吾今瓠落无所容万事生平尽慵惰一官刺促复何有弩马犹然恋豆莖闻君此语发狂喜顿令身世忘坎坷逝当长往老此中秋风羈宦谁能那

苍水以答阮亭四诗见示意似夸其捷者戏柬二首

董生潇洒似青莲斗酒挥毫满百篇举世尽惊又手捷何人能学捧心妍不愁吟苦须防秃实恐书多腕怕穿便欲把君诗过日闲来搔首问高天

王郎狎主齐盟久常笑南风不竞无海内敦盘皆下拜惟公鞭弭欲争驱鸡鸣亲秉钟鐸铎马首羣惊墨火荼漫谓诸侯已服晋黄池今日歆先吴

清明最后一日同人集东山书屋分体赋诗吊宋刘龙洲先生遗墓拈得七言古席上漫成

龙洲先生布衣耳忧时痛哭陈天阙志图匡复计不就登楼感赋悲心骨偶依故人驻此土一时酬唱称奇絶老死不归留藁葬诗魂长卧东山窟昔吾高曾慕遗躅一抔重为新碑碣【碑文系先宗伯所撰】吊古非徒事胜游【吾邑旧有吊古会】风流不使轻湮没年来往事痛销沉碑埋蔓草多残缺羊豕谁禁白昼游鸛鵙叫落三更月血食何曾废夏畦先生墓下偏萧瑟诗卷长留败簏中姓名枉被途人説今日羣将鸡酒陈九原定不嫌唐突俯仰兴衰意惘然遥遥暮靄连天末

题故人画鹤

鹤兮鹤兮女不如鹄之苍乌之黑日溷尘埃人不识又不能鸞同食鸡同栖昂藏特立安所依是中风景何其殊别老松百围峭壁千折美女独来还独往惟见烟明与水濶朝随羽客去依

约到十洲暮逐孤云还相伴宿丹丘卫国之轩女不慕呉王之市女不游山人昔年住山中一
饮一啄与鹤同山人出山今几载梦里时时鹤唳在见君画还沉吟蕙帐空兮怨复怨萝壑
兮深复深长鸣欲吸三危露侧望真含万里心此身已苦羈网久明日拂衣亦何有君应骑鹤
三山头待吾东归一携手摩挲铜狄两咨嗟城郭人民如昨否

读阮亭蜀道集作

巴蜀地形天下无西控关陇东荆巫自从秦人始开凿疆与上国通舟车古来奸雄盗名字其
间窟穴通天诛行子估客试一过往往霜雪生头颅王郎学王尊不肯为王阳一朝叱驭去万
里单车长两川人士舒颈立麻衣夹道如堵墙王郎奋髯吟一声上掩奎壁无光芒下视乡人
渊云辈汗流疾走走且僵江山物产百难状一一揽取归奚囊王郎去后人事改战鼓南来动
滇海逆臣片纸持入蜀百城望风先瓦解居民大半化狐豺井邑俄然成废垒譙周子弟作俘
囚诸葛祠堂供樵采前年官军收广元蠹贼釜底同游魂何人逗遛师不进时乎一失难再论
坐令凶竖复坚壁土无宿饱艰留屯军旋草草复不戒犀兕之弃同塿垣病中闻此捶胸臆国
家岂遂忘三尺

朝廷寬大固有体姑息或恐非长策井络天彭蔓草深防时再睹使星临可怜蜀道真天上空
向王郎句重寻

九日直

南书房同說 梦敦澹人诸公限韵二首

禁里秋光似水澄校书终日对良朋

恩深共拥三重席【戴凭与诸儒论经夺席数十重帝厚遇凭坐为设三重席】寒近先思半
臂绶【宋子景修史天寒着紫绶半臂】暮齿自羞识路马【予齿最衰而无知故以自况】
俊才真美得霜鹰【蕪味道与王无竞同直蕪才俊目为九月得霜鹰举以况诸公】相看诗
兴谁偏健尽让螯弧及早登【诸公诗皆就予独未成】

大官法饌笑时叨【唐宋九日赐侍臣法酒綉糕予辈则日叨大官之饌矣】独向佳辰感二
毛幸免风前欺落帽祗愁筵上怯题糕【用刘梦得事】心惊白雁秋空迴人比黄花晚节高
下直浑疑身尺五中宵铃索梦还劳

南书房梅花盛开呈梦敦学士澹人舍人

姑射仙人玉作肌自矜曾笑百花迟岂知托质非凡境更喜当暄最胜时戴向瑶钗偏觉好栖
来翠羽恰相宜谁怜篱下寒香在也望春风到北枝

正月尽牡丹开已烂漫戏示梦敦

倾城一笑奈君何总有铅华合避他色艷只緣承日近开先原为得春多初醒乍湿阳台雨微步如凌洛水波若使旁教揜翠袖定应添却玉顏酡【花皆因火催出第无綠叶耳】宫声以咏寓中葵花诗见示读之深有感焉赋此以广其意

秋清孤馆对萧辰堦下残葵吐艳新纵有妍姿谁肯问只緣幽意倍相亲丛疎尚耐风霜在根浅还思雨露频君若倾心能向日移栽上苑岂无因

附录钱中谐作

一防葵心竟未枯萧辰还见漾红桴雅知杞菊芳非晚转觉松篁韵不孤弱植那堪凌劲草衰丛偏得媚寒芜朱门讵少移根地可似荒庭卫足无

金文学谷似用蕲黄往来韵作二诗见寄赋此答之

吴绫半幅剪秋水中有奕奕银钩书顛倒细数百十二颗颗俱是骊颔珠君才雄妙旷世无譬诸万斛龙骧如动天之风古来有蹄涔媿吾非江湖

鸿都门下盛竒字三体尚有中郎书满堂诸生竞鵷鴈意苴岂能谤明珠曲学阿世昔所叹孙侧目固自如人生穷達由命耳肯为三公轻五湖

附录金居敬作

碧山学士爱闲居下直闭关多著书灵台清明书卷气絶胜五色牟尼珠长安索米窘臣朔公即屡空常晏如人间风尘不到处玉堂清坐如江湖

草 学易十年余今来重校孔壁书百家传注都贯穿何用燕公记事珠承天将雏何善谑一官不调公泊如待要举而措之耳勿为莼鲈思五湖

谷似复叠前韵见示适江南信至秋秫粗熟酿酒可望喜赋奉答次章兼柬元少侍讲

寂寂莫捶王融车咄咄莫作殷浩书江南近报酿新熟小槽殷红滴真珠君方弹冠去未可吾将拂衣行得如醉拍铜斗歌乌乌竹弓射鸭巴城湖【巴城昆邑河名】

吾友韩侯性耽古缥笔手续素王书爱士不啻如贾胡直欲剖腹藏其珠【谷似寓元少第昨往奉访门禁甚严竟不得见故云】

诏书昨者延名儒为子踊跃端何如愿子早陈六符事忧君今日惟江湖

附錄金居敬作

短章久矣捐篋笥长歌率尔诗代书枉沐长者论投报咳唾随风天雨珠废事爱闲日益愚子云君卿遠弗如岑牟单绞未俊物白鸥浩荡没春湖

神仙字岂饱蠹鱼徒向人间鑽故书昏昏俗心阮校尉睫泪不化鲛人珠待公致君尧舜上端忆旷如与奥如彻侯相印直敝屣为佐刺船浮五湖

谷似再叠前韵见示又次二首

毛生年来老而秃中书君今不中书世人未知失上意犹将鱼目呼为珠四时之运成功退应侯蔡泽何纷如岂待贺监七十余始向君王乞鉴湖

君岂南山缚虎师何妨哲学人间书暗投往往遭按剑夜光之璧明月珠卑之无甚高论耳折杨皇荂里耳如昂昂勿作驹驰坂泛泛且为鳧浮湖【来诗有读之未喻其妙者故云】

附錄金居敬作

漫云奏牒上公车曾无两令仅胜书何当自賛只自责川媚不掩水懷珠公家种秫酿桑落自可封致胡醒如巴城会待

宸翰赐比似鹤山与石湖

轩辕弥明滑稽耳诗声媿非侯校书【元老亦有和诗以嗜酒相谑故引石鼎聯句谓其滑稽】石鼎彭亨荷斟酌逃禅累累百八珠幻住风埃五葭琯炊黍功名带砺如吾家甫里有敝庐散人无号易江湖赠嘉定陆稼书

华鞵绣鞞九衢间入世清风独往还举世谁思千古在惟君不放六经闲鸢鱼偶覩堪乘兴尘土难逢不上顔闻道近来多一事出城只为看西山

王先生寓予邸苦无酒饮

荆高市上化为尘谁与先生作主賓但有三升堪壮胆【管辂事】若无一斗肯呈身【王绩事】襟懷宁着累累绶意气平摧岳岳人挂壁鸱夷空在眼因君转恨我长贫

三十

三十能文到帝州绣鞍闲跨紫骝枝从玉 轮边折峰向金鼇顶上游月里姊亲投彩佩云中君与捧琼辔那堪隔别音书断碧海尘生夜夜愁

严朱二徐四检讨夜集

黄叶门前径秋深断客踪却怜今夕会共听

帝城钟未穩栖枝鹊难平咽砌蛩论心诸妙在寧惜歲寒逢

立春日口号三长句

十日闭关如猬缩今朝启户正逢春且从闾阖瞻新象也把衣冠振旧尘窃禄自知慙报补归耕祇合恨逡巡鲈鱼莼菜方才过江柳山梅又逼人

四十四年成底事儿时嬉戏忆还賒堆盘臘有青丝菜簪髻稀逢防胜花已信形容安老丑并无魂梦到繁华开箱试捡春衣换半在西邻酒姥家

今是何曾减昨非行藏计拙转相违潜鱼冻久应忘跃倦鸟惊多更怯飞破榻空悬留客少羸骖长卧出门疎软红尘土东华路犹喜无能上素衣

同人集光孝寺

古寺带残汀同人此过停共期穷胜日不憚逐流萍台树名仍旧风幡事已冥法因如可悟宁直片时醒

送僧【僧系同乡人时同寓粤僧先北归而送之】

偶来炎瘴地得与我师逢旧好乡情切新知道气浓聚谈仍是寄别思岂留踪此意原无解晨鸡共暮钟

送沈子相令新宁

闻說新宁地千山复万山看君双舄去独伴一琴闲花落空城里莺啼废垒间须传

明主意为念遠人艰

江上朱玉如孝廉贻诗深相推许答赠三首

斯道久生棘清吟那得闻捧心真媿我叉手却怜君逸调宁谐俗竒懷自防羣好将冰玉句吟讽到微曛往往巡檐笑时时倚柱哦只凭消日月遑敢问江河病觉贫来甚狂怜醒后多感君思老马识路意如何昔日词坛老推君盖代才前贤深寄托后进孰追陪白雪篇中奏朱霞笔底开时流莫轻议曾破铁關来

和企山陈年伯见赠一律

世事茫茫无足观羣鸦争舞防欺鸾陶公罢后门垂柳阮子穷来犊繫竿浪厠炎方喜共晤每
逢高谊欲扶枉防珍重金闾约伫看秋风振羽翰

拟古

人生百歲风中烛焉用役役被尘 我今至壮犹无成有似辕下驹局促忆昔 景年四十一
朝挂冠神武门此事于今诚所罕令人对之难为言

过大红门

武帝升天去不回万方弓剑集灵台金輿寂寞荒烟合玉殿参差返照来鸟啁乍疑仙乐动花
殷犹望

御筵开白头消渴余生在羞說当时献赋才

上高阳公

紫霄烟霭昼沉沉独掌鸿钧副

帝心万卉齐摇松自劲众流皆涸海长深岂贪黄阁形须画要与苍生旱作霖一物只今无失
所肯教防下有遗音

上曲沃公

两朝出入秉丝纶共识

先皇社稷臣肝胆倾来緣荐士头须枯尽为忧民敢同门下三千众耻作堦前十九人何事感
恩心独切一年两度沐陶钧【予己亥三月】

【御试八月举南宫皆出公荐拔】

寄同年生

去年阙下逐行尘记得登科第七人天濶好容龙偃蹇露高偏助鹤精神裁红晕碧花前句蹴
鞠弹碁醉里身吾有醪 三百斛伫君踏尽

帝城春

送酒与东痴

东臯未三里潢水凡防曲风雪被荒蹊往来断樵牧先生高卧处柴门翳苦竹雪深门未开村鸡鸣乔木日午炊烟绝吟声出茆屋欲寄一瓢酒聊以慰幽独天暗倘来过就成西斋宿

题上林署壁四首

守拙真忘拙求闲果得闲濯缨贪照水拄笏饱看山何术堪逢世无能合抱关此身吾自料材与不材间不敢称高卧还应胜折腰吏人闲采牧官舍长蔬苗乌鹄寻枝倦牛羊上坂骄南山田防日芜秽到今朝三月已过半郊原尚朔风未抽庭草绿难覓野棠红笑逐祝鸡叟闲随失马翁春光正浩荡愿与万方同遥遥宫阙耸天半望觚棱不见尘中客时逢林下僧挈瓶常夜起抱瓮晨兴早晚相期处还思不负丞

上林署中紫薇一株花开特茂

念尔非几种绿谁谪堕来亦知颜色好却背艳阳开影弱依书幌枝低亚酒杯托根同失地欲去更徘徊

偶成

漫说花颜好花鲜得防晨君看花落去重有扫花人

柬徐生二绝

昨来霜信熟黄柑小阁离离夕照酣为报故人须过饮挂防何必洞庭南

楚颂吟来忆左徒酒牀新漉待招呼田园别后春芜长欲买青山种木奴

东方朔故里【同王阮亭作】

据地曾闻隐汉庭残碑斜日树防防禅衣丝帟俱承宠谁向金门问岁星

喜张君素存家弟丙霞并登第选馆

暖日花开照曲江青春走马过红牕行人啧啧夸风貌何偃王成是一双

偶成十绝

葵园【呼高士谷】冥蹈是吾师标致天然冠一时更爱城南归处士【归庄元恭】风流防

首落花诗

机云昔日皆工赋轼辙当年并擅文今见二王诗律峻始知鼎足是三分【新城王司勋士禄仪曹士正兄弟工诗时称二王】

王家小美擅词场五字坚城势莫当吟到池荷暗香句教人不忆孟襄阳【予最爱仪曹萤火出深碧池荷闻暗香句】

海虞冯叟【马班定远】笔通神比兴诗篇字字新若较吴均【吴叟修龄】真敌手邢夫人见尹夫人

长沙旧着吊屈赋南海【程舍人可则】今为哭贾词鱼腹消沉千古怨蛾眉谣诼万人悲

菊秀兰芳并一时玉遮【汪农部琬号玉遮山人】风调略堪思省曹谁是知名士便欲烦君替左司

木客山顛啸华月水仙泉底弄朱霞夜深自写钟生句寸寸枯毫战鬼花【里人钟生诗多杰句】

破扉烟断出孤吟庑下高风尚可寻万手雷同谁敢儼悬轩箫鼓一声琴【梁逸能为五言古诗】

鸳水骚人彭骏孙【彭进士孙通】两年诗格未评论邹阳出狱犹流落何日含毫奉 园

同是

先皇紫禁臣君开铃阁我垂纶翩翩小队花间驻海晏河清报

圣人

南海子

御柳千条拂面丝风吹依旧绿离离何当小住三千岁再见桑田变海时

张编修素存新昏戏赠三绝句

秣李夭桃各自栽天公移向一春开若非词客生花梦那敌闺人咏絮才

一曲瑶琴两意和文园幽兴近如何可知夜语脂香处比似金茎解渴多

绣阁才离又玉墀宫衣日日印胭脂袖中好带朝天笔画日归时便画眉

书愚山少参送黄君诗后二絶句

牵衣泣别最堪悲不信真成永诀期归望国门那便哭犹疑白髮倚闾时

故国三千驿路尘哀猿落日叫还频不知流血能多少肠断东西南北人

题盆梅

琼姿常似带微酡天上春光占独多红杏碧桃夸异种和羹争许得如佗

书所见

真有高名动

至尊临轩色笑借春温反风渡虎偶然尔今日亲闻长者言

送友人

廿年游宦滞天涯自笑龙钟玷

圣时一领青衫浑似旧争教君鬓不成丝

钜鹿春光草色新马蹄犹带

帝京尘莫愁此去无知己前路应逢解 人

送杜侍读三絶句

数载承明厌直庐一朝解组意何如五经同异姑抛却且检山中种树书

长安拜免防公卿过眼浮云不系情忽见巾车出都去登仙今日羨君行

日望东吴万里船趁风饱飣舵楼眠自怜微禄犹縻却输与先生早着鞭

口占

天畔秋云日日孤休将腐鼠吓鹓雏不知酒醒灯残 一防心还畧动无

长安自古奕棋同袖手何妨让国工堪笑孙刘成底事无过使我不三公

寓舍花

傅粉施朱恰正匀天然幽意自宜人风风雨雨休欺压让与娇莺坐一春

席上放歌呈王使君阮亭十一兄

我昔排闾献赋紫皇宫笔翻翠虹蛭手捉生蛟龙黑风吹天天忽裂泰山东崩海西竭羲和鞭轮轮不起云旌雷车失行列我时失足堕湏洞弱水万里沉一叶岐路杨朱漫发悲穷途阮籍空流血广陵十月潮如山片颿直下背长安道途使君停皂盖绋袍恋恋范叔寒感此纏绵意一洗风尘颜酌君白玉卮掷我珊瑚鞭佳人能为鸛鹄舞上客自吟鸚鵡篇酒酣仰天泪双落防剑斫地心茫然王夫子汝是中原第一流余亦江东有心客即今文章政事谁敢出公右三年手板淹泽国公卿虽厌衰衣人如尔宁徒长【上】文墨我归故里乐渔樵钓竿学掣海上鼇买酒自浇要离塚移家欲住伯通桥人生难遇是俦匹何论烟霞与簪笏我身愿充五湖长君才合入三公席淮海岂能留旌旆廊庙终看曳履舄他时仗钺过江来莫忘呉市变名卒

登金山四首

万里无空阔孤峯耸沆寥阁收三楚雨门接九江潮鸛鹤青天劲鱼龙白日骄乘桴吾岂敢行止任蓬飘叠翠天开画森竒鬼献工惊涛飞破壁怪石走当空梵呗层层寺防牆面面风游鱼与过鸟歷歷镜中同海岳楼头月江天阁外云连年暗燐火几日靖妖氛壁垒南徐镇旌旗北府军书生还自笑磨石待铭勲吾友王明府题诗最上头【寺有阮亭使君诗】俊人淹海角翰墨想风流月黑精灵泣天高列愁千秋留带客与尔或堪俦

丹徒镇题同年蒋解元壁

曾题名姓压羣英献赋归来昼揜衡北阙已无求骏意南山空有饭牛情马卿岂合称才子阮籍终应唤老兵醉后掀髯重看剑与君悔作两儒生

舟抵浒关立春后一日

今夕是何夕暄风暖客颜春光不肯待先我到呉关灭烛延新月推篷认旧山连牀中夜梦安稳乱流间

咄咄行

咄咄复咄咄空城白昼生荆棘前有猛虎后有长蛇磨牙鼓吻争人食我欲射虎还断蛇手无利器空顔澁归来故里不见春但闻天陰鬼哭声啾唧吁嗟乎三呉百万户东南自古称雄国

纵横白骨高于山民命本轻奚足恤只愁公家重财赋县官租税那取给君不见大星芒鬣光盈尺海底九乌朝并出鱼鼈曝死蛟龙泣天门日夜飞霹雳俯瞰下土血殷赤真宰之怒犹不息

蒋辰生吉士旧第

冷巷萧条不见春雀罗蛛网尽伤神空留少妇持门户怕对衰亲作主宾案上萤来栖败幌堂前鵬去堕承尘酸辛并马金台路生死交情几个真

醉歌别友人

去年送君燕台侧君方塌翅无颜色今年遇君阖间城我已抽却头上簪人生相知不相见何似宾鸿与社燕多君惠我好句新错落珠玑盈便面春风骀宕百花天垆头日日酒家眠红妆小妇歌金缕白马少年拂玉鞭与君对花酒如海人事沧桑朝暮改桂馆兰宫久不开西园东壁知何在今日相逢且尽欢明朝别去路漫漫屋梁落月如相忆时展怀中尺素看

四月大雨余时坐卧小楼旦夕不能移步

骤雨行无节寒云冻不飞昼长凭竹几客去鏤柴扉梅借水功熟榴传火德微未应占夏令重理木绵衣池涨疑无岸楼居恰似船一枝吾自适百尺客谁贤盈涸随沟浍行藏信简编岂真边腹满赢得枕书眠

寄彭十骏孙

幽谷芳兰尚畏锄况教当户更何如空吟王粲登楼赋谁献邹阳入狱书林际周周怜倦羽河边蹙蹙数劳鱼天涯失足应无限休怨清时独掩庐

吴门赠别三首

春风江上独鸣桡怆别残魂黯欲消鸟去鸟来人杳杳花开花谢雨萧萧游燕未听荆卿筑背楚先愁伍相箫自笑行藏两无计羞将心事托渔樵

南北相望路几千乡关回首更凄然便教欢笑无多刻纵得音书定半年去客偏怜沽市酒家人错怪过江船梅花到处开如雪珍重他时远使传

羸马重驱入紫宸敝裘三月走风尘休嫌弱水飘舟客曾作蓬山骂坐人草暗关河遮旧路莺啼驿树怨新春烟波不少容身处争敢清时乞钓缗

渡江

三年两渡此客计竟如何市酒消愁少江花恨别多自怜轻道路不敢怨风波羞见垂纶叟沧浪正放歌

淮城咏古四絕句

垓下陰风卷日昏楚歌未了尽声吞八千子弟如烟散只有佳人不負恩【虞姬】

桥边纳履话从容千古英雄是此翁枉把诗书尽烧却陰符一卷出懷中【圯上老人】

鸟尽弓藏自古嗟真王遗恨日西斜一身未省归何处枉却坟旁置万家【淮陰侯】

荷锺随身好掩形酒徒醉倒夕阳亭铜驼指日生荆棘此世知君不愿醒【刘伯伦】

读书斋偶存稿卷二

礼部尚书衔叶方蔼撰

途中咏物诗

云

巫峡高高湘水深来从何处去难寻
远随孤鹤一片影轻结平田十里陰
未信为霖终有日应知出岫本无心
自怜漂泊常相似目断氤氲满禁林

新月

娟娟细魄吐逡巡
隐汉藏云迥莫亲
卷幔乍疑钩堕影
开奁直认镜生尘
预愁仄正安难定
漫讶寒纖照未匀
寄语嫦娥劳自爱
夜来斫树是何人

细雨

飘如轻霰散如丝
洒幕侵灯独夜时
幽伴苦吟听更远
恨和残泪滴俱迟
寒门白日消都尽
京国浮云望愈疑
晓起前林倍惆怅
百花狼藉草华滋

梅花

亭亭玉立正消魂
照眼寒英处处繁
争忍负他春白昼
最难忘是月黄昏
折残野岸俱无主
开遍村家尽掩门
料得有谁怜寂寞
祇应啁雀自争喧

松

百尺森疎倚梵宫
雪欺霜压更葱茏
晴摇翠粒娟娟露
雨裊苍鳞冉冉风
汉時荒来龙驭断
葛仙去后鹤巢空
西园桃李时相笑
占尽韶华住绮栊

杏花

曾托孤根上苑栽
数株飘拂野塘隈
艷随流水溶溶去
香逐轻风款款来
犹媿生成劳雨露
敢期移植近楼台
可怜攀折供人便
辜负东皇着意开

柳

汉宫三百六妆楼
处处垂阴满御沟
天子折来亲赐佩
内人插遍待招游
思攀纖手丝千缕
欲

鬬脩眉黛一钩今日相逢江岸上藏鸦繫马不胜愁

枯树

无复凌霄耸壑心千寻落落卧幽岑敢将荣悴争时代独与 流共古今纵使泛来难近汉便
教斲就不堪琴南朝名士虽工赋未解庄休意更深

青草

春风吹遍郤还生一片青青染不成南浦别来犹髣髴西堂梦去最分明待施舞席层层满忍
碾香车处处平露压烟迷多少恨防人为尔倍伤情

燕

飘零此去欲何依满目东风计總非翠幙香消春窅窅 梁月断影微微钗头曾忆双栖稳掌
上谁怜独舞稀知有旧巢无路入马前惆怅乱红飞

莺

何年却下建章枝驻马斜阳独听时漫有竒姿临野水空传巧语出村篱五更百舌休相妒一
树繁花祗自悲好谢嚶鸣旧时伴春风那忆有佳期

鹭

曾随春水泛轻潮浴罢横塘第防桥汀草汀烟愁漠漠江南江北恨迢迢青天飞处云离岫碧
树栖来雪缀条京雒风尘今正满可能不上素衣飘

乌

羣飞羣趋夕阳西哑哑天边接翅齐秦女机头愁未歇蜀姬弦里怨初低风号黑夜凭巫语月
冷黄沙杂鬼啼莫笑纷纷恶毛羽凤城多半是君栖

蜂

小苑华池路未遥众香深处坐朝朝六宫美女争涂额一国佳人尽细腰晴逐柳花飞掩冉暖
随蜨翅去飘飘却惊树底纷纷散忆得当时早晚朝

废宅

墮碧頹朱委道邊甕魚鉤倍淒然更無上客回珠履時有行人拾翠鈿風蕩帷空螢自入雨淋檐斷燕還遷阿誰計得當年事可許輕臨畫閣前

丛祠

冕服巍巍列像崇也應一國有三公 知此日生民病慣竊從來造化功篝火妖狐鳴半夜啄腥怪鳥噪西風堪憐野老紛陳乞猶自 勤望歲丰

琴

鍾期已逝蔡邕亡太息朱弦尚在房玉軫金徽誰愛惜高山流水自淒涼蛛絲斷處星爭露防斧停時語忽長伐盡梧桐千萬樹不教重種峯陽旁

残焰

殘焰微微背壁幽銅壺滴盡轉添愁可堪夜雨黃茆驛最憶春風紫桂樓顧我已甘灰并冷問君何恨泪長流多情此夕分明處不照華筵照白頭

清明日河閑道上

客里對春春可憐況逢佳節更潛然一枝兩枝還垂柳十家五家常禁烟夢草不青惟北地望云多白是南天依稀憶似故鄉處水鳥雙飛綠滿川

偶成

廝養誰家婦徒行陌上塵都言趙宮里原是舊才人

入都門

三條九陌望中清又睹青雲接鳳城身逐梗萍和浪轉心同葵藿向陽傾從教隱士嘲西笑漫托騷人賦北征便隔風波千萬里人間何路覓蓬瀛

上王子雍先生

三年函丈沐清光玉笋叨陪最末行自笑門生新印綬却慙夫子舊宮牆鶯啼渾欲迷芳樹燕語猶能記畫梁惟有啣恩知不忘寸心應共海波長

題畫戲示同館友人

舞风歌月旧时娇寂寞胭脂半欲消好语楚王宫里伴披图莫更妬纖腰

帘

画楼西畔曲堂东银蒜低垂面面同影叠千层花掩冉光摇一片雾朦胧沉沉伴梦宵难醒漠漠遮春路不通愁煞綠窗鸾髮女几时容易出房栊

七月一日大雨书署壁

七月一日南风急倒卷海水水飞立天吴纷趋海若走怒涛恶浪匍相射野夫梦里枕席惊忽疑万马中原奔又似刀摩与劒突鎗鎗铜铁烟尘昏披衣眎天天容墨扶桑金鸡叫不得但见玉女投壶失笑屡开眼东方阿香掉车扇霹雳须臾牀榻成深渊龙宫鬼国在眼前防剑裂眦忽大叫失势恐落馋蛟涎谁为纵此雨工恶我欲乘云诉寥廓虎豹森森争攫人九关不肯轻开钥上帝尊严绛阙防白玉为阁黄金除瑶池传觴百灵醉那知下土民为鱼罡风吹我堕尘陌犹闻哀声满薮泽裂裳拥被塞耳卧冻蚕缩茧鸟塌翼君不见长安衮衮多公卿冲泥跃马气横参朝来泚笔缘何事惟颂商家傳說霖

中秋对月有感

不遣防云滓依然此太清无私应解照有象尽能呈影浴金河净光含玉露盈流萤何意绪犹向隙 明冢宰贞庵公相见次谆谆以进退人才为言兼念及家兄情意真挚小诗二首奉献情见乎词

廿年清望冠诸公新领铨衡职更崇玉尺自量羣品上冰壶独湛万人中披开云雾青天皎搜尽珠玑碧海空知道报

君惟荐士只今吐握有谁同

早同献赋识相如晚向高门滥曳裾【家兄与公同领壬午乡荐戊戌殿对出公门下】北望可怜迷雁翼东归宁为忆鲈鱼已钦季布千金诺肯惜刘 一纸书愿借春风速调律有人寒谷待吹嘘

忽忽

忽忽秋都尽萧萧昼屡陰交因贫易淡门为闭长深新雪催双鬓寒灰证此心南飞何处雁愁絕故乡音

都门春望

东风吹雨复吹烟怅望新年忆旧年拂面游丝争匝地遮人芳草更粘天情多肯学捎花蛺蝶愁
极难听叫树鹁七尺綠波三尺艇与谁相约碧云邊

题二画扇呈知己

灼灼朱霞射晓空花开花落片时中争知海上蟠桃树直到千年一度红【朱槿花】

珍果曾登寝庙来孤芳今见伴蒿莱无人攀折无人赏赢得春风自在开【櫻桃花】

送左防孙学士归里

公竟拂衣去翩然辞帝关须令千载下犹见一人还鸿鹄清霄远龙蛇大泽闲翻嫌谢安石捉
鼻向东山

庭鹤

池畔摧頽花下鸣雪衣丹顶不胜情思乡远隔华亭水忆别长牵緌岭笙云路断寧生怅望鸡
羣立最憎分明终年一饱知难得敢想乘轩道上行

董侍御教伎人花下度曲自与诸賓饮酒别院即席戏赠三首

红墙隱隱接天河皓齿花前自按歌最喜春风关不住梁尘偏落座中多

娇喉宛似击 瑚一曲新声一串珠纵有周郎猜误处横波频送得知无

千卮引满不成欢祇为名花一见难我有狂言惊四座与君单借紫云看

书董侍御斋壁

长安惟此径日日綠苔生地僻尘难到窗幽梦易成汲泉防竹洗分食待禽鸣笑对花开落知
君不系情

拥鼻

拥鼻褰裳上马时此身何处许相宜百千队里懷常怯十二衢中步独迟未免形容溪鸟笑可
怜心事落花知鲈鱼正美莼丝脆莫到秋风更后期

歲暮作四首

卧聽钟动杵撞胸噩梦惊廻欹枕中可有车堪投鼠穴忽疑身暂寄鹅笼纵横穷鬼憑文送层
叠愁城仗酒攻笑指黄粱炊熟未荣枯歷尽本来同

饥鷹脱臂向风呼廿载消磨旧壮图入夜星昏恒拭劒临秋月满数弯弧狂思海上医龙病危
欲山头捋虎须准拟雄飞九万里可怜原只在枪榆

滑滑泥声塞路岐深居端莫叹凄其观河皱面寧如我窺井悬腰更讓谁便听钧天惟解睡纵
游蓬岛亦嫌罢簞瓢门巷无多地果否前贤乐在斯

欲凭简册且婆娑祇觉开编恨转多但說艰虞三太息偶逢得意一高歌椒花栢叶羞陈颂土
梗桃符任刺诃蓑笠江湖无恙在期君不至奈君何

连日不见健庵编修今晨苦热特甚走笔奉讯

吾居帝城南君居帝城北闭戸十日散髮卧瘦马不识东西陌美人娟娟隔清汉孤身欲傍无
羽翼思君作官未三载歟忽声华满京国上殿

至尊屡含笑入坐公卿皆动色嗟予潦倒恒愁饥伏处眞如禪中虱牀头老瓮倾渐干月俸不
充沽酒直丈夫但免巾幘诮此生敢辞藜苳食朝来束带出门望火云升似峰嶂崑崙羲和挥鞭
更翕霍夸父喝死邓林侧发狂大叫苦不止咫尺一见何由得那凭尔辈为霖手尽挽天河洗
结轡坐看雷雨濯亨涂道上清风生两腋野夫翛然卷懷退鼓腹康衢歌帝力

戲题西樵考功长斋绣佛图三首

如水臣门日下帘知君心性爱幽探退朝啓事方才了便与弥陀共一龕

妓房匣镜终嫌癖酒库封瓶亦太迷寄语街南王吏部不妨何肉更周妻

趺居可便了尘牵长日清斋结净缘争免谢家灵运笑他时端只好生天

史馆马君麟徵故秦督子偶过其居感而有作

宣武门东半畝宫居人犹說旧从龙金貂拜命啣恩数玉帙开牙出鎮重去病未为居第计叔
敖应待寝丘封传家清白看君在勋业相期继昔踪

简熊学士

百丈狂澜手障余一人岳岳众谁如趋朝旒冕同严友下直门庭似隱居忧国终朝时减食致
君半部只探书太平啓沃须相待肯使闲人属望虚

阮亭以抱琴洗桐小像索题从未及报于其奉

命试蜀口占二絕调之

王郎日抱文章坐底有闲情似此时早向虞廷传一曲薰风拂拂五条丝

蜀桐闻道产高冈君去应看百丈长休令两川人士笑赏音只說蔡中郎

阮亭以骏孙南 集示予因题一絕其上

春风上苑鬪名花处处游人揽物华可惜一枝琼蕊好不教移植到天家

送欧阳寶坻罢官还江右

故人别来十年从乞得一城大如斗姓字不博公卿怜惠爱长在苍赤口一朝忤时不得意解组复向风尘走笑指庐舍长江西卜邻幸有柴桑叟拂衣行歌归去来但问松菊犹存不予亦江湖潦倒人强袭冠裳羞老丑便擬相从汗漫游高挂云瓢上庐阜他时杖防一访君先数门前五株柳

送李编修晋卿归闽

风雨听鸡鸣 愁黯忽生还持古人意今日送君行防服高堂志孤装薄宦情归山如有信好报著书成里人蔡翁年七十矣除黔中一幕职止其行不可诗以送之

手撚霜髭万里行宦情浓似酒初醒知君过岭遥回望忽见台星笑口生

歲暮病中效元白放言五首

急景奔腾去似梭镜中华髮奈他何西寻弱水无舟楫东望龟山乏斧柯衔食鸟应悲力少号寒虫自觉声多几时借得驹生管穷谷吹来遍太和

九陌千轮鬪万鞍谁人不愿老长安生贪周顗黄金印死盼王乔白玉棺举扇遮尘寧得了抱薪止火果然难防防东下元无底几见天潢倒却干

病非魘魅复非狂筮得爻词勿药良未遣三尸行出户难驱二 已离盲梦中帝所闻天乐海上仙人乞异方說与时流浑不信灵台赢得自清凉

鱼游苕藻恋沙汀鹤破樊笼入窅防各有升沉依本性苦将桎梏防眞形鲁邦展季甘三黜楚国灵均爱独醒蕙死兰枯元不惜只教留得是芳馨

早知天地是蘧庐 去住奚分从暂殊 有时尽堪生柳树 此身行便作桃符 劫残尚问灰存否 柯烂休惊局换无 一掷得臬君莫笑 争禁明日不成卢

济寧太白楼

一醉偶然事兹楼 万古传吾来吊遗迹 云木正参天揽鳳下 千仞骑鲸吸百川 防防檻外水犹比浊醪贤

杏花

脉脉岂无怨 亭亭如有言 开时犹恨少 落处不为繁 山鸟晓还鬧 邻蜂晚更喧 未甘顛顚意 恐负艷阳防

题角湾僧院

但有云来去 扉昼不关 鸟啼林屋树 人数浙江山 飄影交诸浦 钟声静一湾 谁能便捐累 翫遣片时闲

秋夜

一夜秋风徧草堂 空塔凉月迥如霜 水禽噪客喧兰渚 山鬼窥人傍荔墙 漫兴诗成闲处咏 絶交书在篋中藏 祢衡夭折嵇康死 始信时危不易狂

南池

东屯西瀼迹全荒 何处先生旧草堂 賸有南池风景在 残蝉依旧噪斜阳

龙梭

龙梭夜静緑 中十载行云夢未通 秦女有情终化日 楚臣无泪不成枫 三春病怯廉 雨一夜魂移荡漾 风无限寂寥 收拾尽斜阳 深树是江东

上高阳公

紫霄烟霭昼沉沉 独掌鸿钧副

帝心万卉齐摇松 自劲众流皆涸海 常深岂贪黄阁形 须画要与苍生早作霖 一物只今无失所 肯教爨下有遗音

旅步见马上新荐诸君

连钱骄马蹴芳埃槐影纷纷动地廻记得阿婆年少日也曾涂抹向人来

辰山谪仙楼戲示主人

谪仙人死一千年鱼去何劳更问筌今日相逢君不识祇应未覩锦袍鲜

东山一草亭

东山一草亭雨屐偶来经烟迳封犹湿苔痕洗更青欲窥泉的的羞照鬓星星捉鼻何人事苍生梦已醒

题小镜湖呈勿庵

季真七十玷朝班始乞君王水一湾何似先生方緑鬓比他早占廿年闲

饮勿庵二十四峯阁

二十四峯新与君充下陈开牕云入座卷幔月窥人小驻寻花屐频攜漉酒巾醉醒俱不忌始见两情真辰山下赠陆兰陔少叅陆尝备兵两粤

解组还家鬓未丝遂初早见赋新辞试看翠竹碧梧下何似红蕉丹荔时廉石载归犹压砌名花携种已交枝君家二陆长遗恨今日文孙更是谁

饮兰陔水阁

爱君水阁好不异在濠梁禽噪知林濶鱼潜喜沼长榜人歌欸乃孺子濯沧浪满酌无劳劝谁怜醒更狂

横山访一公云化去数月矣

端如一弹指俄成来去今影堂遗挂在竹几暗尘侵一榻维摩病三生圆泽吟重来忽挥涕转媿世缘深

九日三高士墓下作【天马山麓】

欲登最高处应知不在山来寻逸士冢恍覩昔人顔俯仰世俱远徘徊心自闲卻怜辨亡客入雒几时还【山下即平原村二陆所居】

吊鐵崖先生墓

先生不可见 遗冢自斜晖 无复携红防 还闻白衣才 消明主忌 老幸故人依 鐵簷穿云起 犹疑踏月归

勿庵赠方竹杖为别

素质琅琅玉比坚 幽人持赠更堪怜 他年倘与君重见 不敢随时妄削员

寄勿庵子

昨夕何夕一尊共对枫林月 今夕何夕孤舟独宿芦花雪 半夜相思不相见 搔首踟蹰防肠绝 人道君家气太豪 灌夫醉骂四坐逃 我道君家无俗态 魏公斌媚真可爱 丈夫重结契 托附同金兰 怜君一片心 尽君十日欢 西风吹何急 送我出云端 抗手便辞人去 瑚几时拂钓竿 簌簌双鲤鱼 凌晨撒波至 烹鱼得素书 讯我游踪向何处 南北东西路不平 莫教哭杀阮步兵 但令厨中多美酒 休论世上有浮名 嗟予比君狂 自许吞八九 君才尚不容矧 我老且丑 李白当年皆欲杀 相怜只有贺家叟 终当拂衣从尔 之阳采芝食柏同 徜徉宁能低眉折腰 学年少更向魑魅争宵光

客有引韦 防赋嘲予好奕者戲举谢安石事荅之

淝水千羣鐵骑尘 谢公方野鎮随身 无因說与韦郎道 三百枯碁敌万人

寄素存编修二首

苦忆张公子 年年侍玉墀 西清朝上直 东观夜防书 心岂形骸隔 交因老病踈 殷勤门外水 好为寄双鱼 几载菰芦卧 身如片羽轻 岂真羞薄禄 直恐厌浮名 旧好违京雒 余年仗友生 题诗报知己 相望迥含情

虎丘晚步

芒屨独往与谁期 且为秋山憩少时 隔浦飞颿偏见疾 出林残磬更闻迟 轻抛狂泪真嫌墓 闲咏幽懷短簿祠 欲讯行藏向何处 寻枝倦鸟已先知

家兄书来言刘吏部公防将入吳闻其在梁溪急具舟访之已发三日矣诗以寄之

刘侯昨辞金闺籍 解鞍偶憩泰山侧 意气翻嫌岳势低 襟懷直觉河流窄 山东小吏迎道邊 腰支磬折学周旋 羸 避路不知处 敝裘受风真可怜 刘侯一见称同调 下马呼酒共倾倒 出手宁辞拯沉溺 开言便欲嘘枯槁 蹉跎五十笑无成一官 惟愁白髮生 寻常慰藉犹足善 矧乃出

自名公卿早秋书附南飞雁刘侯挂防下呉甸丁宁弱弟扫蓬门八月九月应相见梁溪苍苍烟水寒美人踪迹隔云端我来侯去若巧避人生良防嗟何难大儿北海人中杰小兒四世三公烈闻侯屈指天下士不才名姓常劳説泽鹿山麋野姓存惭余从已谢笼樊嵇康懒废殊无状辜负中朝山巨源

送人

歲暮复为别川涂雨雪繁悠悠驱马去 向谁论季路只一诺侯嬴惟片言知君重风义不肯扫他门

呉门过汪大与别八年矣

并马京华对夕曛退朝犹记共论文同时晚晚应怜我今日英雄只数君书著名山徒自解琴弹流水定谁闻门前千尺沄沄緑可许闲鸥占一羣

同友人对落花

昨日春风吹花开今日春风吹花落流莺睨睨燕呢喃嘲笑春风太轻薄东家美人惜芳菲双抛红泪湿罗衣但愿似花开即落犹胜年年怨空幕

汉武外纪

通宵甲帐暗香开鸾崔声声玉殿来一个歲星犹不识可怜虚筑集仙台

清明曲

细雨斜风作寒食柳条拖地春无力饥鸦来往傍人飞纸钱衔挂棠梨白香车辘辘殷若雷罗裳一色空中开哭声未絶笑声杂花前不醉寧空回摘蕊攀条情未已落日遥听暮钟起情知花事未防 但望来朝风日美吾愿北邙莫种柏与松只种万树烂熳花开红花红儿孙应到此泉下年年鬼不馁

伏枕

伏枕三竿日巡檐半畝居愁同填海鸟恨比过河鱼往事羞重忆浮名忍更除茂陵松柏老谁问病相如

题呉氏女子画扇牡丹

妖红一抹鬪新妆国色依然压众芳恨少千重锦步障为渠遮断蜨蜂狂

江上酬诸勿庵进士

只此江城里谁知良觌难何时一尊满同对九 寒花落怨春寂鸟啼惊梦阑把君佳句在珍重比琅玕

江上漫兴

尘土支离已一翁更披华髮向江东壮心不尽登临后倦眼时开醉醒中走马单身愁暮雨呼鹰双臂健秋风终然丘壑还须我何处溪流无钓筒【欧公作醉翁记时年才四十余予是年亦四十矣】

雨歇

雨歇新凉满夕柯小楼五月麦风和乍披幌处三花色欲上堦来十字波緑绮听时佳绪少乌丝写出怨情多不知何事萦懷抱日日人前唤奈何

睡起

楼头春尽怯朝寒睡起惺忪小带寬志士凄凉闲处老名花憔悴雨中看残书竟日便搥枕短篷谁家正倚阑收拾吟牋与酒醺此生眞信遣愁难

送人渡江

江草江花夹防生扁舟三月过芜城劝君彩笔休轻弄此赋参军从擅名

寄鄢陵梁侍御

不见旬时悔吝萌那堪经歳隔良朋每从呉苑懷梁苑常恨鄢陵远秣陵谁道青袍眞御史早疑白足是禅僧枚生八月涛声在乘兴扁舟待一登

侯将军歌赠京口侯都阉

侯将军尔何人上马能击贼下马作露布眼中龔龔谁比数随陆之文绦灌武昨朝揖客登中堂轻裘缓带多辉光擘窠大书三百字字字触目成琳琅忽闻江上烽烟起鯨鯢防浪东溟水将军紫髯猬毛 出门仰天顔色喜携归髑髅血模糊当筵掷向红 毡要博上客一欢笑区区侯印非所须予乃夷门抱关者感君虚左停驂马割鲜酌醴何殷勤説劒论兵更潇洒酒酣两眼纒为我歌北风左手操不律右手鸣雕弓笔奔万龙蛇箭洛双飞鸿书生气尽顔索莫将军神志逾豪雄金山峨峨数千尺江心玉柱排空立请磨悬崖一片石将军亲自铭功绩

为人寄荆州守

荆南风物美如何三十专城拥传过应怪赋如鹦武少空传士比鲫鱼多
吴山东望峨峨影蜀水西来浩浩波恐有依刘王粲在登楼莫令怨蹉跎

月下偶成

雪消云卷欲深更 傍危防万感生酒力共春随日减诗懷和月着人清
未妨窥沼潜鱼跃更擬攀条宿鸟惊多媿烟霞竞招引有谁肯与野人争

新莺

簇簇毛衣柘色新穿花度柳见还频怜君不借春风力那得娇音动主人

柬友人

穷通分定莫须惊怨曲劳歌澗引声榻下应怜徐孺子刺残谁识祢先生
自倾浊酒浇花落卷疎帘对月明休怪芳时倚惆怅古来多恨是多情

西牕

残烟漠漠雨丝丝淅沥西牕梦醒时遮断碧山横檻牖催成青蘚上堦墀
暂凭纵履聊舒眼休擬裁诗更皱眉多少春光到桃李蓬蒿三径不曾知

李氏别业看梅

镂冰琢玉一丛丛风格天成自不同肯向妆台迷艷质好依巖壑伴衰翁
寒生冉冉流香外春在亭亭送影中莫遣高楼便吹笛清宵幽怨恐难穷

隱公归述五台之胜

台山真胜迹路出万云层白日常防虎炎天见凿水洗心千涧水扶老一枝藤
便合诛茆住愁师亦未能

题吳处士庄

二月春泥一尺深杏花门巷费招寻争传市上摇头过忽见牕间拥鼻吟
砌迸笋皆成碧玉囊余药尽化黄金 纔尚擬何时到只着麻衣弄渚禽

檐外

檐外陰云羃远天花开花谢损芳年春风那似春愁急晓露长和晓泪悬孔氏罇中空綠酒陶家琴上少朱弦凄 四壁真堪笑羞见争飞下食鸢

雒阳花

碎剪明霞作锦堆殷红如火照堦苔天津桥上啼鹃血一夜春风染徧开

与周生

舶客寻芳渡海迟千重鐵网罟尘丝夜来忽詫前洲火新见 瑚长一枝

浮云

浮云流水总无根鱼自深潜鸟自鶩庄叟已忘桮是社晋人忽怪石能言蛇遊杯底寧知崇蚁鬪牀头那觉喧敢道真心免猜竞一生赢得是昏昏

琼树

琼树何曾见一枝纷靡众草竞英蕤擬从骚客求兰佩欲向霸妃问桂旗天上只疑星是石人间枉泣墨非丝偶经抵鹄山前过终古无端替玉悲

墀戶

墀戶惟宜睡开尊祇合醺剧秦空有论诅楚岂无文苍狗朝朝变青蝇处处闻那能便长往欲与麋羣

赠梁大将军

长城万里屹吳天威着东南已十年枥下驹吟鬃八尺帐前士怒剑三千亲裁朱鹭饶歌细自按黄龙水阵全日晚防门闻更啓时容揖客醉登筵

陈徵君墓下作二首

巖栖谷饮一生中瞬息高名付太空今日歳星应尚在凭谁寄问大王公

堦上苔痕雨更青无人载酒过 亭五株松顶千年鹤留得先生旧日形

横云山房八絕句

云木毵毵锁夕岚喜来丈室暂停骖从教尘世难容我尚有弥陀借半龕【方丈】

蔓草寒烟覆石台雍门琴罢不须哀遊人未悟兴衰理犹对山僧问劫灰【丽秋堂旧址】

二客相从步履晴雪堂重到古今情分明赤壁孤舟夜尚少横江鹤一声【雪堂】

防坐观心万象幽廻看六合尽蜉蝣还怜驹衍谈天陋海外寧惟一九州【高视亭】

一枕松风梦不凡白云来往恋巉巖前身便是陶 景官署蓬莱防后衙【只怡堂】

綠玉森森倚碧云千竿风裊翠成纹子猷去后知音少今日谁堪对此君【菴庵】

古涧无声波寂寥辘轳千尺影迢迢仙灵那许几踪到一月亲来一换桥【石梁】

携诗搔首问青天太白当年兴只顛若遣谢宣城果在与他吟徧夕阳川【可诗亭】

天马山歌

君不见天上房星堕地化为石山头隱露蛟龙脊摇烟踏雾空中横万马惊视俱辟易疑是流沙西来东渡海千里腾骧暂一息渴不饮天池水饥不仰圉官食年年僵卧苍苔满蚀尽连钱好顏色问汝何为不跃还不鸣空有神骏人莫识寧甘将身膏原野耻向庸奴受絊防知音欲覓自古少九方已逝难复得吾闻天闲十二防春风苜蓿花开残侏儒饱死朔饥死凄凉遗恨同悲叹黄金日日买马骨吁嗟兹马无人看

京口遇马章民状元归棹

六年彩笔冠词林一夜文星地下沉不见相如归驷马徒闻子敬返遗琴素帷寂寞名空在丹旆飘扬恨转深从此九苞谁贡瑞竹枯桐死更难寻

贈豪客

青骊八尺身过市不惊尘燕尾雕弧劲龙文匕首新才辞磨镜客便揖卖浆人冠盖堦前满寧知意所亲

江上兵

罗似繁星布似綦太平闲杀射雕儿柳间挂甲花间卧错认征旗作酒旗

江邊见白鸟

吳波楚浪两茫茫独占荒原立夕阳海鹤肯教成伴侣野鸥翻自笑行藏谁怜皓白衣如雪祇恨飘萧顶似霜难遣江湖幽兴在汀兰岸芷梦魂长

石城謠

石头城下清霜路黄蒿如林涨烟雾此地行人来往稀寒鴟昼嘯枯桑树鬼炬千羣大似轮金银宫阙化为尘冤魂夜半相逢哭听得声声怨皖人

友人命咏团扇值其新下第

月宫素女独乘鸾抛擲秋风怨歲寒但保今朝顏色在明年依旧掌中看

青溪庙

青溪白石渺相望独处终年不嫁郎曾笑素娥蟾作窟更羞织女鹊成梁龙旂影冑萧萧月鸳瓦寒消寂寂霜廿载无媒路旁客还来下马奠椒浆

月

每向愁邊见多于客里亲云疑淹逸彩露欲洗幽尘一澹能娛我三更转近人偶窥防缺处清泪忽沾巾周元亮少叅过访兼示新诗 卷率尔奉答

经旬淹卧废逢迎小队花间鸟雀惊僻径行迟綠草暗破扉开澁为苔生句吟金石神尤王卷对云山眼忽明敢倚嵇康真病懒不裁书札报公卿

将去白下留题寓壁

旅游日日闭双扉祇怪浮踪与世违絶磻断崕行处路岑牟单绞着时衣无心偶逐云同出避色还随鸟共飞底事风光留不住江乡久误钓鱼矶

秋日过邻院

山云禅榻静相因偶为孤游得笑嚬闲对景光真逝水暗悲身世总流尘频来檐鸟疑新主别去庭花是故人一阕渔歌数声簫溪邊林下转情亲

采石对月歌

长江荡荡清无烟谁提明月空中悬寒辉流波两相漾照见万里秋无边颇忆昔时锦袍客仰
邀皓魄金尊前掬水捉月月不得骑鲸奔入千重泉月里霜娥拏帔笑狂奴故态犹依然不闻
天上蟾兔窟乃落水底蛟龙渊前人已往后人在依旧江流月不改恨无往日君奇句能使江
月添光彩夜深江清月转明泠泠环佩天风鸣仿佛精灵来共语长呼不应还心惊愿乞阳侯
一掬水为君结祠幽崕里岁岁秋光三五前高歌先生问月篇

熊青岳学士建言部议处分奉

防特免诗以志喜

上圣能容直孤忠肯惜身尽传彪凤彩不信触龙鳞道合转圜美功同补袞新将无

明主意普欲劝廷臣

大笑

大笑狂歌剩一身任他沧海自扬尘杨朱哭泣缘悲路孔圣凄 为问津篋里空文祇逐鬼防
中秃刺不投人谁知磊落襟还在目送飞鸿万里亲

欲决

欲决升沉未有因相逢谁信自由身三更楼上刘琨月十丈门前庾亮尘偶探药名知小草忽
看车脚悟劳薪家山如 难安卧枉自弥年羡隐沦

闻雁

知尔何时到哀声苦动人稻梁应畏少矰缴卻愁频榆塞归期远湘川去路新可堪羁绪乱日
暮更酸辛

酬邱生

不见邱迟从新诗更斐然娥眉谁解妬牛角自相怜吟苦防须秃书多怕腕穿好携谢家句还
去问高天

邀笛步

落梅折柳调纷披独客中宵听自悲欲向尘中还物色不知若个是桓伊

呉门席罢作

醉听韩娥一阕歌秋云不动碧嵯峨兰桡筵散悲斜日桂馆人归逐逝波伍相祠前潮响急梁
鸿宅畔杵声多由来信是伤心地绿鬓从教片刻皤

鸚武

聪明何意堕笼樊碧树丹山寄梦魂莫怪花前浑不语祇应羞作世人言

宿翁氏山楼

澄波万叠竹千竿延眺层楼景色宽过雨山疑经沐见穿云月似隔帷看渚莲暗堕红衣冷水
鸟惊翻翠影寒心事欲抛抛未得无言倚遍短长防

荷花

千二百惊鸿翩然小队同采珠洛浦上弄佩汉江东颦处矜眉翠啼时怨脸红一生心事在辛
苦绿房中

耦耕堂居人谈近事

一枝翠柳碧苔封天遣多情不负依堦下靡芜成劲草庭前桃李傲贞松蜂疑残黛含愁乱月
作羞娥鏖恨重金谷风光尚如旧坠楼心事更从容

夏日忆吳中城西宅二十二韵

忆得幽栖处城西景物增数椽依水石三伏失炎蒸白板扉双闭鸟皮几独凭闲常芟竹径闷
即理鱼罾桐露清晨重荷香静夜凝披襟能洒落散髮任鬅髻葵扇团于月桃笙滑似冰厨供
拗项瓠溪荐折腰菱自检书千卷堪消酒百升红妆花当妓白拂客多僧觅句行时遍围碁唤
不膺小儿学跳虎稚女解驱蝇买鹤添新料分蜂换旧称松知蹲踞惯云讓卷舒能何 昆为
侶梁鸿妇是朋可应齐北郭寧复羨东陵倏忽离三载艰难出百层拊髀羞寂寂抱膝恨腾腾
火宅谁能防烟霄拟忽升行藏溪鸟笑颜貌野渔憎望遠心徒切怀愁病莫胜今朝谈往事惟
有泪如渑

老将词送近夫罢省试

汉家飞将老邊州射虎山南恨未休雪鬓霜髭零落尽却看奴 取封侯

蘓台新竹枝词六首

昔老鐵制西河竹枝词东南士女和者数百人至今以为美谈予屏居多暇感吳中近事作蘓

台新竹枝词六首辞虽不工语皆摭实世有君子属而和之他日采风者或有取焉

江南燕子日衔泥江北燕子双双栖衔泥底用太辛苦双栖只恨画梁低

山塘十里杏花风不见飞沙扑面红笑指山邊斜露处初三月子似弯弓

小小吳娃细马防春衫簇簇剪轻罗自从幕府曾教入不唱江南白苧歌

海门深锁浪头迴不放黄鱼入市来晓起腥风满城郭侯家今日绮筵开

桃花坞里千章木拙政园中万朵花紫蜨黄蜂来往惯肯分春色到邻家

十丈平湖一尺潮红防亭子綠杨桥依家自有东青鸟不许鴛鴦近 桡

撰西樵考功志文毕寄阮亭戸部

恍惚相随把袂时幽明难间两心期敢云下笔不加防最喜临文无媿辞比似束刍应恨薄即同挂劔已嫌迟【予诺阮亭请逾歳始报】友生投契犹如此况尔连根荆树枝

徐生入都即去诗以送之

怜君衫袖满埃尘往日风流剩角巾开口几曾投俗好若吟端不救身贫还因郭乐思奇士自失荆高少酒人匹马担簦又南去萧萧落木满关津

次韵答山中人

万卷千竿奉一身云饶水濶岂为贫无端杯酒寻常醉有几篱花次第春鱼腹好容独醒客松毛稳卧不言人长沮旧宅君今主肯向防防一问津

富川令刘君殉节诗刘名钦隣江南仪真人中顺治辛丑科进士

富川碧血射虹明刘令孤忠此着声敌笑南朝惟若水帝惊河北有真卿往来食肉心多死忼忼衔须气独生两圣崇儒三十载可无一士重科名

附魏象枢作

千秋完节日星明舌在犹闻骂贼声汉水秋高劳将士富川血碧动公卿魂依北斗升还降庙食南蛮死即生

圣主方怜臣义重定教青史大书名

附张贞生作

读书心事盖棺明可慨风闻只附声志遂休言归井里节高何必位公卿城池雪愤趋谁死草木啣悲哭尔生人岂不知君父义漫云激烈是沽名

感秋呈环溪先生

秋风秋雨鎖相牵更被哀蛩唤不眠与世无求寧恕尔关身何计转凄然眼悲东海栽桑地心忆南山种豆田听説乘桴再三喜取裁应媿昔人贤【与先生言及去官故云】

敬哉先生招饮容园即事

先生幽兴寄东山早沐

君恩许赐闲杖履追陪尘 外壶觞狼藉 图间童携麈尾花邊至客赌棋枰墅畔还底是当欢闻叹息应知 国意相关

目暗

眯目由来世所同岂期今日到衰翁蒙蒙只觉雾长在烂烂俄惊电忽空敢向人前争黑白不防灯下校鱼虫连朝强起摩挲看为説尧天日再中

题水月庵壁时伤蕢山先生之逝

九逵三市暗尘开此地如何絶防埃松树欲枯龙忽蛻竹花无实鳳空来已知西日頽难驻长恨东流逝不廻苦忆临岐珍重语从要寧肯负泉台

玉如下第见过作

北去南来似踐更看君几度上书行无波枉击三千里不售緣无十五城将母可能忘薄禄荣身未必是浮名春陰愁思俱难遣浊酒荒斋细细倾

净业寺荷花

玉立亭亭照水孤繁红縟綠胜渠无清光雅称闲僧供静气如披高士图楚服裁惊衫制异吳笳饮爱茗香殊巡池为共纓堪濯不遣飞尘到鬓须

别敬芝侍御

千秋矢志共观摩惜别其如远道何十日留君犹恨少一人知我亦为多寒灰自分难然火古井悬知不起波正是朔风凄节要从霜雪辨乔柯

拜少宰孙先生墓

拜公牀下几何时执手丁寧后死期忽见荒丘今永闭忍将宿草更重披眼昏难认题碑字肠断还寻挂劒枝一代可怜文献尽伤心不独感深知

郊外偶作

郊外东风飏酒旗北来南去剧如丝百年浑似下坡穀万事只同覆局棋漫喜春深催草茁终嫌寒勒花迟从来不信杨朱泪那有无穷洒路岐

道旁老松

古松不解何时植但怪龙鳞老益多巢顶鹤翎黄似鞠傅枝螳翼白于珂摩挲忽作三年别翫赏宁辞百遍过韦偃毕宏今未遇无人貌尔恨如何

村舍

板屋春风对一瓢荻帘土锉共萧萧无妨世上嫌迂濶最喜尘中有寂寥邻寺远传茶鼓发隔村防见酒旗摇分明忆似江南景辜负幽人歳歳招

寒夜

数卷陈编独夜灯纸扑冻笑痴蝇兴衰过眼悲何益非是关心剖未能仰面祇愁看屋栋安身无过摸牀棱强将浊酒攄怀抱芒刺时时着背膺

和就斯学士新歳韵

相看又见歳华新五十无闻笑此身冷碧细倾初釀酒软红重试隔年尘屢屢犹喜能供爨皤白堪悲只爱辛忆得西溪薺椽在一竿春雨待归人

梦至一高阁下仰眺可数十仞有人凭防引手招予旁一人曰此七十二阁凭防者诸勿庵也觉赋此诗

岐路悠悠误此生出山泉浊在山清三千余里客中梦七十二阁上晴长愧当年结绶意敢

忘他日耦耕情怜君扃户空岩老犹被谁何识姓名

吹竽

吹竽鼓瑟两难工遮莫春光望眼中相对盈盈还脉脉可堪雨雨复风风间何濶怕逢诸葛得
入城羞防子公岂有浮名滞胸底怪君兀坐但书空

十四夜

挝鼓烧灯罢此欢绳牀布被梦差安醖中浊酒醉亦足墙角短檠照自寛少日曾夸人
了了老来真负面团团相怜尚有今宵月万里清光属倚防

阮亭入都即别去用其途中见懷韵送之

相逢真草草相别更匆匆歲月风尘里行藏涕泪中勿言一尊满又待隔年同惟有关门吏
怜君西复东

附王士禛作

长安几度别忽作白头翁君辈还簪笔吾生自转蓬王师悬楚塞羣盜横关中努力匡时略
归心沧海东酬锡山马云翎秀才即文肃公孙也以乃祖集见示故次章及之

年少才无敌诗情句莫酬众人皆折角吾老亦低头咄咄惊难定期期语不休鵕鵂与尺鷃
可许暂同遊太息前贤逝遗言更觉尊家声留国士

天语表忠門

【世祖嘉文肃殉节特赐祭諡】桓后推元子袁孤得愍孙他时应珥笔莫忘

圣朝防

余与鄢陵梁御史曰緝别八年今春至都谓必相见闻又请告先期行矣怅然有作

传闻驄马客复返旧栖山嵩落悠悠外孤云冉冉闲若将游子意远恋故人顏相顾稀相识
长吟自掩关

月下

此夕天邊月寒光逼寢帟可怜欲谁照空自赏清辉只益吳牛喘能惊魏鹊飞故园南望里老

泪强沾衣

过阮亭不遇书壁

疲马无所适出门还过君披帷人不见独坐又斜曛
径草澹逾碧林蝉寂更闻清风来入户宛似未离羣
和阮亭秋日过切庵读书斋兼懷汪大

苔面无人破常思双屐行惟君数来往相对见平生
肯作身名计何多太息情却输吳苑客叱犍正秋耕

附王士禛作

翰林官自达疲马独行吟日午炊烟寂闲门落叶深
平生有知己高卧洞庭陰莫谓升沉絕千秋共此心
彰义门外书所见

此走江南道问君归几时山遮将去路柳卧欲攀枝
酒合攢眉得书思挂角宜马蹄行忽住最恨是临岐

题胡侍御山莊

綠暗过墙树红明委地花谁知柱史宅却胜住山家
曲径淹

天仗居人稔翠华更闻

宸翰在丽藻发云霞【上尝亲幸其庄赐以御笔】

不识

不识平阳宅今看拂面花春风是何物只许在君家

送慕庐兄归楚

吳歛兼楚调离怨杂然陈落日蜚鸣急秋风雁影新
难将欲去意更对独归人一滴思乡泪随君驿路尘

二月二十八日题善果寺壁

平生孤往怀未忍薄凉踣爱兹片林幽凡禽足藏羽
杂英竞吐萼枝上轻霞举濯濯露叶翻犹栖昨宵雨
化工无停机吾心憺容与嗒坐静忘言风铃自相语

喜晤彭十戲贈

东归吾意逐流波西笑逢君兴转多欲把冠尘暂弹却满头霜雪奈他何

阮亭以人所贈山居图示予有感題三絕句

千树嫋嫋一曲渠兩門茆屋半牀書江南何地不如此只少閑人肯卜居

昨夢經過旧垞東青蓑倒着卧牛宮邻鸡无赖惊眠起羸馬依然九陌中

相携拄笏立多時但解朝衣也未遲好似漁洋山下路使君那忘旧題詩【漁洋太湖諸山之勝阮亭嘗過其地愛之自稱漁洋山人】

寄弟

惊春如駛惜流年赴壑修鱗去不還燕柘才經一番綠吳蚕又見几迴眠厨空尚有東方米囊
澁長无趙壹錢媿爾加餐勤致語杞人終日只一天

祠旁鴉

散似灰飛聚作團荒祠攫食暮烟寒金丸年少从旁過盡說神鴉不敢彈

水关马上口占

荷葉如錢綠漸抽鳬翳拍拍散中流可怜騎馬黃尘客羞向青波照白顏

为汪舍人題画

高楼烟暝欲防昏黃葉聲中自掩門疑有幽人据梧坐嗒然終日竟忘言

往年謫官上林今秋又過其地戲題

昔年謫宦此逡巡衢術依稀記尚真父老定然能忆我來時謝灶請比邻

陵迂谷變只須與笑我能成一事无贏得兒童齊拍手使君新換白髭須

偶成

每恨前賢不見我却愁開卷媿先增无端檢得熙寧史似有人曾諫澣灯

读书斋偶存稿卷三

礼部尚书衔叶方蔼撰

饮亮工侍讲庭菊下四首并请蕺山学士同作

嗟君庭前菊才逾二尺彊擢秀无人处不言弥芬芳细枝青玉润繁蕊黄金香几时饱雨露早见吟风霜他家岂无花华屋高筵张粲若叠绮绣艷欲夺姬姜我思匪伊存相遇等道傍胡此独延伫百廻嗅难忘

草木有臭味托根君子堂有草名维蕙厥状颇类菊青茎间翠叶经冬鲜如沐菊性甘且酥食之荐嘉福蕙苦如艾蒿中更含辛毒如何逞颜色歟忽夺吾目为办湏及早芟除贵神速种菊勿种蕙期君共相勗

屈子餐落英至今清沁齿骚客借品评千载称芳美胡广饮菊泉百龄负讯毁惜哉神仙药遗秘等马矢彼菊奚与焉丑好系人耳今日植君庐他年视君履困逐有灵均荣寿有伯始请君择于斯勿自貽菊耻

堂下数竿竹堂上千卷书所喜菊有邻维德翳不孤况复三径开招寻来吾徒无劳白衣送主能贯百壶葛巾漉花前觴行如辘轳浩歌灵府宽顿觉逼仄除一醉便欹枕安知非吾庐笑彼芳兰花日忧当门锄

附张贞生和作

病起惋菸防冲飈弥矫彊丛桂迸金粟缤纷早减芳橘柚圃中叟朔北鲜余香彼美庭前菊曷尝示矜张杂色均承露正色更凌霜天然如处子骄宠薄齐姜幽人顾比德移之就坐旁譬吾性情交纫佩矢弗忘缅思昨夕防须记蘓子堂癖哉晋处士种秫兼种菊种秫脩醇醪种菊厌膏沐所托在素心不与争厚福徘徊篱落间吟赏远螫毒非美方家言枕之足泽日招集寫清风客来喜不速勿愧彼孤芳满饮交相勗莲以君子埒菊以隱逸齿韩公题晚节钟子称五美奈何虫蠹之苗叶遭齧毁剪氏急殲除未尝费一矢声罪虫何知物与人同耳虎而翼者纷贤哉谨履蠹贼乘间侵壞心自此始菊死犹可懷心死实可耻餐英不能饱剪叶不能书或曰菊性傲霜节介以孤惟傲实凶德狷洁岂其徒睨视诸魑逐高士许挈壶四序元代行循环若辘轳焉得独寄傲习气盍蠲除陶淑中且和万物共蘧庐胡用太倔彊为汝带经锄成给事贻诗却赠四百字

穷巷不设罗羣雀昼喧闐忽听剥啄声从吾两版传云是成黄门遣使贻诗篇展诵未尽纸喟然发长叹长安仕宦路车马若云烟夫子秉亮节趋舍异时贤大冠张如箕惟君不慕官积金高至斗惟君不爱钱奚为感感音促多烦煎诚知体国意忧愤寄所宣方今寓县急不啻身倒悬滇闽首糜烂荆蜀继刘防巨憝愈桀骜羣寇弥糾纏

王师出经歲未见奏凱旋军行頼宿饱土马始騰騫一日费万金何可令久延计臣持筹坐仰屋目徒穿近闻賊稍逼氛防弥秦川山河百二地烽燧相接连处处繁螟螣户户化螳螂此輩皆赤子

皇恩沐多年如何甘附賊盜弄吾戈鋌中间詎无故所宜察其端得非长民者抚馭或乖焉朽索絆六马反更严極鞭从来制勝策貴在防未然曲突徙其薪功居焦爛先誰得將此語一奏

重瞳前

朝廷置台諫耳目責所專庸庸厚福子出口惧尤愆獨君着說直受知

聖主偏此誠國大計呼吸安危關伏蒲早論列片言可回天何用徒悵鬱枉費餐与眠三代士執雉耿介性不迂伏節死官下寧計身安全予本竊祿人進退屢迍遭尚啣孤恤未肯軫飢寒君詩觸吾緒一為寫纏綿還期鑒愚戇庶勿負拳拳

阮亭入都久不相見悲喜交集即事四首

与君三載別人事靡不有百忧搗枯腸有似杵舂臼飄蕭領上髮早衰媿蒲柳君顏方郁然于思只如旧新亭風景殊舉目泪沾袖神州忽陸沈誰欲任其咎猶聞窟室中鳴鐘正飲酒軒車爭道馳但夸熱炙手焚棟且不知奚暇慮焚牖稍稍吐忧恤徃徃得訕詬吾愿糊其心不复辨可否共君黯无言相对惟指口

温温考功君粹美瑚璉器對之心自遠淡然釋勢利如何弗慙遺歛爾便委蛻新城一抔土宿草已如簞斯人招不起竭來對難弟把酒話畴昔俛仰疑夢寐向我噉然号眼枯反无泪浮云慘不行阳精忽沦坠始知匹夫誠可以動天地彊思慰一辭肝腸亦先碎感此在原情為君廢棠棣

少小弄弱翰所業在縹緲左攷右復漁什勞鮮一償晚來始自悔暗室苦伧伧宵夢一鴻生戕冠切云長衣間破寶璐隱耀明月光笑吾枉辛勤白首同面墻敗絮馳荆棘何時得康庄覺起視庭际星河未渠央恍如飲沆瀣心腑生清涼誓將畢余生徃求聖津梁盤旋周孔地游戲羲文場安能守雕虫俎豆班与揚曝温芹味美獻君幸勿忘

古人重進德尤貴得師資麗澤系大易伐木風詩求友于今世岌岌其難之宗國无君子子賤焉取斯翼翼魏先生言行稱人師齊心對屋漏俨与九賓期吾愧私淑久悔吝猶日滋君為某曹郎昏旦得相隨江漢黃鵠卵抱之須魯雞大圭費雕琢良工堪蒼治莫前美莫彰莫后傳莫知兩賢如繼起千載此一時

大雨屋壞說嶢學士貽詩相慰為賦六章奉答

鹊巢縁风迁蚁穴因雨移智不如二物坐见此屋隳昨夜栋忽折殷殷南山雷谁为王夷甫而受排墙灾匡坐三歲余容膝良已足雨工何不仁歟忽壞吾屋譬如新宫灾对之三日哭祸匪降自天握粟思出卜病卧移旁舍下湿上复穿室中防苇筏人渡学蠃緑饥乌噪檐际跼跼疑飞鸢何如马伏波曳脚望青天雨来风浩浩卷瓦秋蓬根妻孥叫且噪沸羹声纷纭吾耳如悬璜褻然如不闻仰首视屋漏不愧复何云吾怜鐵衣子六月戍万里鸛鸣兼妇叹归室未可擬自慙縻薄禄端居诵经史琴书无恙在一笑斯可矣东邻陈学士大厦今一木貽予破屋篇閔吾情何渥愿言得斯人早秉国之轴寒士生欢顏长庇万间屋

破屋行陈廷敬原作

破屋不任葺四壁空嵯峨夜半风雨至屋漏成洪河漂摇增繁忧夏秋连滂沱崩腾夺视听耳目被倾邪詎谁错昏画实恐陰阳讹重茅卷轻湍余花委迴波空梁燕雀飞蝙蝠伺其窠禽鸟饥为身所见理则那黄鹄翅翎湿亦如嬰虞罗悲鸣如有诉翻惧弹射加偏侧南巷士移居近西家书籍正捆载瓶罍亦纷挐君如迁乔莺吾如盘室蜗破屋雨不止压覆将如何感君有同患寓意于诗歌

酬玉汝孝廉

采金铸范蠡买丝绣赵胜多君欸欸心懷抱靡不罄吾衰百无能穷老一身并徒持匹夫志谬托達人命苦节或难贞长贫谅非病众弃独君取情亲舍貌敬使吾贾余勇年徂气弥劲时俗妬蛾眉謠詠今方盛婉孌季女饥独宿空闺静安能重跼蹐再与倚门竟

送徐生

徐生苕川秀文穎世无匹少年爱竒字颇能读雌霓往者官辟雍校士实所职众中覩徐生奚啻获尺璧今春辞亲闱跨马返乡国吾家太湖西距亦不咫尺甚思樵钓美亦欲投冠帻他时知过访良舟得良覩荒斋何所有草木有蓊勃乞生为十咏聊以书吾壁

花下

吾庭不半弓杂植竹木繁娟娟丁香花托吾西南垣阳春三二月桃李曜朝暉此花如静女婉孌独不言岂无心中恨待与何人论两年吾对汝恻恻暗伤魂默坐细推测恍悟倚伏根寂寞少懽愉荣盛非久存天机自启闭人理孰畔援呼童即布席花下开清尊

与友人饮酒五首

兹酒清且美何如顧建康汪汪照尊卣湛然几席光吾素不名饮而颇知平章恶酒如暴客羶人势莫当涓滴乍沾吻芒角突撑肠甜酒如佞人柔媚非善良多食苦烦悶闕鬲暗受伤拒之恐不速那敢洗醺尝顧独爱兹酒一举尽累觴意切比中行岂若狷与狂冲和得至味令吾形

神臧古称君子交唯淡乃久长

京洛多贵人张筵日兼夕名酒产四方不脛走都邑宁愁道里远往来輒置驺人肩或颠仆马背时泛滥每计一罌到何啻十金直緘题复再拜輦载输豪室贵人酒苦多对之宛不识譬若汉廷上用人常薪积弃擲壁落间累累等塼埴吾如扬子云一防求未得兹酒偶然至相夸动顔色瓮面未及启酒器已屡拭折简召吾友引杯同岸帻清圣浊亦贤从容考其德物遇良有时奚用多惻惻笑彼井泉冽终古叹不食

唐尧罄千钟尼父尽百觚季路苦嗑嗑十榼不能无两圣贤一贤相望千载孤看君比长鲸一吸无江湖入室或未优升堂谅有余吾饮不五合欹倒须人扶醉中发高咏犹自述黄虞鄙哉斗筭器斯岂圣人徒

吾爱刘伯伦饮酒得真味五斗差解醒浩歌过朝市君看如此人底物视富贵一锺动随身即是窳窳具形躯尚作逵外嗜那足累不见卫与霍戚里薰天势起家象祁连今亦成平地欲浇一杯酒枯骨无生气

昨日公卿侧逐队前上寿低头不出气有若三日妇酒行尽膝席四坐停觴久仰面吐一言愕眙下堂走今朝遇故人雨中剪春韭发醅新瓮香馋涎免流口促坐共啜噉浑似脱械梏不知乌雌雄那问兽牝牡指吾头上冠譬彼堦前帚董龙今安在此时何鸡狗君毋多酌多恐吾犹狂否吾狂醒较多醉来复何有

予久慕濠东黄太冲先生恨未之见四明董孝廉过访询知为太冲门人于其南行作此送之并寄黄先生

防稽有大儒世系出忠门黄童名无双白首晦丘园六经探奥窔百氏穷渊源躬蹈某与轲不肯托空言青衿数十徒讲诵彻朝昏曾经其指授规桀秩秩存吾聆声誉久仰止情弥敦一官苦束防负笈失讨论董生家东海献赋来

帝闕视吾颂一篇浩浩三峡奔所言虽甚伙仁义实本根进止更可观语笑藹春温都雅周容刀贵重鲁璵璠惊问所师谁答云是黄君闻之增慨慕寸心暗自扞譬如观河者溯源必昆仑便欲裁尺书因风附南云緜邈泝大始滓溟防无垠陰阳所管摄方册所罗陈圣狂何悬阔王伯何剖分一一质茫昧了了破糾纷书成再三读羞澁还手焚寸莛撞黄钟如何不逡巡徒询容貌异那得警欬真在昔文中子道学偁河汾韬迹隱弗仕著述擬丘坟高弟魏房流佐唐为名臣吾学苟措施奚必在其身先生富门徒半作王国賓斯道已有传奚用嗟沉沦

兴朝急求贤侧席心殷殷安知柴荆外旦夕无 纁北面修盛典宪乞礼数勤予亦得挟册函丈时相亲勿着羊裘去苍茫烟水濱

附録黄宗羲作

三百五十字投来自修门意欲规感兴严不数文园谁开塲屋眼而涤濂洛源读之再三叹洗濯出佳言吾闻玉麓庄渠口晓昏此心为主宰屹如砥柱存瓣香展余干千军归玉敦干城意自遠碎鉢何足论一传为震川月脇开九閤文章以载道不与江湖奔太史金闺秀学不离天根源深流自长仁体春风温何意疊洗中有此瑟若璠念予处幽箐何得御李君风期托想像求日而烛扞吾徒辱赠言朗月照昆仑茫然数难端口吃类子云隐公已未来治乱留其垠何条可说施忼慨未敢陈为学五十载菽粟真不分崇王及贱霸众說徒纷纭当身试证之不能救巢焚始信本领濶寰宇方周巡不然朱墨行为儒恐未真所以介子推抱桂枯于汾悯予幼失学患难屡破坟幽情发思古面目诚主臣姑置四海大未能康一身密尔文自娱无以答戲賔牧豕海上老所嗟非隐沦斯民方憔悴何以返夏殷圣学将坠地何以辨朱纁其职在公等学优而仕勤危举天下溺岂徒门人亲勿令吾乡校窃议东海濱

饮王九青侍讲斋次日有诗见示奉答

爱君官阁幽庭下罗蒿蓬宛然仲蔚居开户延清风吾非二仲侣闲暇相过从君其具壶觞谈笑许从容北牖出西山岩壑窥玲珑归云扶飞鸟恍忽蹑竒踪东林复吐月徘徊入帘栊流光若积雪荡吾尘腑空念此良防暂恰与佳景逢已忘今夕躯犹寄九陌中君诗振高唱大声何飒飒予亦发微吟嚶嚶草根虫但资风义合宁计词格工敢云牛铎音调共黄钟同

附錄王豫嘉作

青山雨初歇新凉上庭砌剪蔬罗盘飧禄薄无过费况与数君子纫兰结素契分座列高防颺颺南风至久迹城市间草木鲜嘉歲欣瞻天宇旷遠林苍翠胸中有丘壑何处非幽寄落日下平芜暮钟起楼际槐花墮阶黄丹萤流衣袂月明东邻树泠泠清露坠倾觴闻晚香高谈羲轩世懷彼古昔人终夜难成寐示周生

梲革以为鞬断木以为棋犹不可无法而况乎学为古称在三义所重厥惟师传道与解惑舍此其焉资分谊一以定服事终不移如何倾蓋间轻以名相施周生贤喆裔卓犖负竒姿抠衣登吾堂再拜起何迟我惊嘿内慙欲应拙言词长安十二门丹毂交加驰岂无吹嘘者寒谷生春熙掉头逝不返顾此穷且羸得非生所慕其在于道而吾少不自重干禄思逢时常羞尺寸获恐致丘山隳晚节始追悔蹉跎抱深悲彊勉贾余勇此意未知哀多生不吾弃感激动心脾为学所大戒在随俗习非立志苟卓然奚患建竖卑神圣为奥防善信为堂基切问为津梁勤学为阶梯吾闻之前人敬奉等蓍今何以益生请诵此语貽生如汗血驹蹀躞千里蹄歷块同一瞬万古羨权竒吾老困伏枥兀硯筋骨疲卧听鼓鼙鸣昂首还长嘶师友虽已邈风义谅可追敦学恒得半期生为予规六籍方洋洋庶几可乐饥

梁水部赠洮河石研歌

梁生诒吾古石硯肌理細膩格端正滑于十五好女肤光如一片青铜镜问知此硯产洮河摩挲百遍感激多自从逆臣反秦地關中处处持干戈洮河遠隔秦西防烽燧连天行旅断十万

貔貅河上屯只言持重休轻战至尊宵旰坐枫宸玉剑时闻及寝门纷纷尽是承恩者碌碌真羞食肉人白头老泪迸双落书生未肯甘高阁触事弥存报主心抚时益切匡君略梦魂昨度洮河隈援防手防逆臣廻持君此砚将何用好草三军露布来同阮亭户部湘北說岩两学士登慈仁寺佛阁

衰年作客便慵惰长安只如井底坐今朝杰阁相随登一笑醺鸡瓮新破仰睇中央阁道辽下窥两戒山河大三条九陌平似掌来牛去马旋若磨忆昔耶律始都此歷金元明弹指过高轩大车还在眼折轴脱辐非一个如此家居岂不好纖儿撞壞谁能 中原遗事共谁谈凄凉翁仲草间卧吾欲跳身四海游视弃妻子轻涕唾大人一钓六鼈翻龙伯之宫愁扬 廻睹蜣螂方转丸死抱粪壤号奇货造化未得便休息吾曹那忍辞饥饿归来防被汗浹背素衣幸免緇尘漉

附錄王士禛作

化人阅世恒河沙老松攫地龙衙衙盘空阁道下无地妙香似有陀罗花吾衰作客不称意每逢望遠疑还家三關寥落数行雁宫阙霏防千防鸦翰林三君负公望高文大册流滂葩惜我旅病色枯槁头纲屡许分宫茶兵车辚辚指荆楚门外萧萧多马挝从来决胜在廊庙岂有羣盜烦梳爬书生手无五尺捶中宵倚柱徒咨嗟罪言欲发但指口遥山雨脚低残霞此日阮亭相见輒诵云翎诗不置戲作此貽阮亭并示云翎

先生二十年称诗齐鲁诸儒皆受学迺来声教益广被渐合西东并南朔海内词人纷牛毛一一低首奉防削朝朱暮墨不停手防勘都是时贤作金钟大镛音并奏豫章邓林枝交错吾但崛彊未下拜自顾门庭太萧索梁谿马生好年少后来之秀才卓犖与吾谈诗颇称久风义周旋宛如昨今年上书复报罢可怜有目俱同矐虽然榜中失此士卻喜吾得私褚橐匹夫被褐非有臯懷璧未免中心忤常恐大力负而趋果然还被先生攫区区一士何轻重防女絶胜得官乐竭来向客盛夸诩独自把卷细咀嚼先生门下富才彦生今一旦折其角吾诗蚩弱意凡近不中英俊作準格如生瓌玮诚异寶大圭合付玉人琢只愁借生欲待老失去懷抱数日恶先生诗体世争尚人称济南王氏脚生也当仁幸毋让他年衣鉢洵可托有所闻时定告吾勿如顏苦孔之卓

阮亭遣人告予云考选

命下幼华得给事中敬芝亦授御史喜而赋此并呈阮

亭

王生叩门贻片纸使吾入户屐齿折吕侯已戴惠文冠令弟复入青 闕二子经年卧空丘灶突稀烟车骑絶公卿何人肯延誉升沉由命非巧拙吾

皇垂拱辟四门八荒之遠庭阶列防十得五詎足异知人其难

帝则哲得士端属

兴朝庆岂为朋友私相悦窃闻盛名不易副皦皦者污峣峣缺只今防县正多事眼中戎马太
骚屑方州民瘼难细数

庙堂袞职那无阙食粟都是马立仗藏身却如蝉翳叶试思白笔緣何簪母乃青蒲亦虚设二
子奚以答主知方因直木愁先伐王生头白老郎署日抱文书袍袖裂予亦偃蹇承明庐耳聋
目眇牙齿豁杞狂忧天计常过鲁女恤纬心还切车轮腹内百千转欲凭二子 鬱结朝拜官
归夕上书想见古人旧风节

题翰林院壁用东坡清虚堂韵

翰林门外风吹沙翰林先生早放衙怪君面目太尘土经年不识长安花朝咽齏盐暮唸诵虫
鱼 细罗百家官舍如水何所有高槐踈柳啼栖鸦犹言读书洞千古富贵过眼同春葩孔孟
以来路榛塞立志猛欲为梳爬龙种挟册趋

秘殿头纲日费

君王茶天街独归跨欸段有时马防翻倒挝人见先生争匿笑先生对人徒咨嗟昼长扞腹无
一事挂笏且防西山霞

附王士禛作

院门晨开埽积沙秋风猎猎云衙衙井泉百丈彻骨冷干霄老树青无花男儿读书慕中秘蓬
瀛旧拟神仙家何为到此转愁寂宦况萧瑟如寒鸦纷华不异草头露薰焰一似霜前葩荣名
中人等虬虱麻姑鸟爪不可爬先生相士先器识品第别若鸿渐茶欲驱弩骀步天驷王良挟
防不忘挝前贤无数此成就小儒后来胡叹嗟敝裘羸马自神王轩轩暗室开朝霞秋夜宿陈
吉士穎侯止轩作

老墮世网厌偃侧始觉轩冕非真荣触藩遂退两失防人生所误緣浮名纷华道义皆可慕鱼
与熊掌难合并二者交战不自决未便趣驾还柴荆子今乍通金闺籍一官项领才云成胡然
淡漠安此室笑睨外物浮云轻 间布席大似掌屋角仰视明星荧空梁惟闻蝙蝠沸破灶时
睹伊威盈錡诵殷殷出金石轳轳那惜饥腸鸣上訴羲文下周孔若立参前与倚衡迂濶母乃
真过吾令人对尔顔发頽牀头咫尺争驰道蝇纷螳逐声薨薨严霜谁不畏凜冽马蹄东西各
有营何如布衾足余暖栩栩四体无将迎翔风撼壁轰雷动羨子忘机梦不惊

寓舍对花歌

天公于人何厚薄春光亦到蓬户中东风次第巧妆遍一株高下酡颜红桃娇杏姹奚足比细
防人面将无同若令嫣然更一笑阳城下蔡难为工老夫谩诧心鐵石对此不觉神怡融长安
朱门相接连千金买花置房枕爱花还设紫丝帐宴客时出琉璃钟可怜托根叹非所年年长
伴白头翁惟愁雨淋与日炙空妬狂蝶兼游蜂不辞窈窕守寂寞母乃真为悦己容人生相知
一已足倾城絕代宁易逢瑶姬神女画不得岂于长短分纖浓老大自知才久尽闲情欲赋让
陶公

月下同友人作

何处无此月顾少吾两人空庭 苐交光景相鲜新微焰偶然防摇动波粼粼爱此久延伫清
露 衣巾谈谐时领要吟咏还入神岂营文史适实资风义亲朱丝緼枯桐三尺懷中珍非君
能好古此调为谁陈

雨霁

雨霁景物好新禽媚朝旭此时掩卷坐忽忆故山曲池动波弥弥林吹香簌簌王孙自不归空
怨庭草綠

送同年某丞

名士不为簿不遭无不可此语闻昔贤未尝厌卑 子才匪百里迁官偶然左母言佐邑小君
命岂敢堕民人与社稷尔实共肩荷但恐吾负丞宁忧丞负吾王程行有期疾鼓秋风柁慎勿
捶破壁车中且安坐

金陵道中即事

万里江平一镜开中流击楫暫徘徊遠天山际浮青出深树村家送綠来无复然犀惊渚渚空
倚鸣鸟下高防偶然忆着腾腾坐鬢似霜丝念似灰

渡江行

黑云压波波如山银城雪屋翻飞间老鱼扬鬣洲前立倒卷金山同一粒万斛龙骧秋箴轻长
年呼天叫仓卒雨工驱雷鞭羣羊朱旗白蓋蚩尤光眼前彷彿多奇状虹霓照耀三重梁井蛙
谷鲋俱得意喷涛吹沫争人噬灌坛老妇忽迴车湖口龙姑亦旋旆还吾万里之山川青天不
动白日悬狂氛毒焰势难久片帆破浪无忧煎但愿世路风波亦如此天道好还理固尔

此径

长安惟此径日日綠苔生地僻尘难到 幽梦易成汲泉防竹洗分食待禽鸣笑对花开落知

君不系情

归家

错忆倚间待归程恐较迟忽惊幽显异方悟死生期有泪都成血无鬓不变丝寒塘行过处黄草应时衰

虎丘晚步

虎丘山下路独往与谁期明月不改色好风无尽时凉深蝉响寂吟细履行迟一叶林端坠惟应倦客知

送雪州还楚

京华同踏十年尘君去扁舟正莫春惜别有情伤晚晚邀欢无地许逡巡湘江水是愁中泪巫峡云为梦里人明夜开时还北望倚舷定对月相亲

芙蓉花

雨欺风压苦禁持堕白飘红满曲池敢向人前怨摧折自怜迟暮失春时

口占

秋心切切复凄凄月落空江影忽低自是愁多眠不得错教人恨夜乌啼

冬夜渡江

击楫中流万古情客心牢落暗多惊天随逝水茫茫去月共孤峰的的明潮势欲吞郭璞冢角声犹绕吕防营舟人指防前年事却怪几成子名

梁将军战塲歌

天吴倒蹙东海水毒雾罩空白日死妖蛟百丈腥风黄鬼马踏云平地起龙江渡口天狗落燕子矶头波声恶瓮城一片豎降旗健兒十万崩厥角将军此时吴淞来提戈一怒烛龙回指麾五丁发神弩百怪辟易陰霾开倏如秋鹰纵搏击雨血风毛洒原隰又如春蚕食叶声千筐顷刻无留停昨朝余皇倚北岸兕甲蛮刀耀飞电今朝髑髅钟山平万防哀燐蔽江面防书飞入玉河桥天子开殿册勋劳鸦翎寶钞麒麟袍勅赐甲第功臣高呜呼将军真人豪君不见黄须鲜卑轻朝士侧目独憚高敖曹

旅次家弟拏舟相迓喜而有作

执手犹疑入梦无屋梁颜色炤模糊一官失路饥寒并万里新逢涕笑俱梁上寻巢防旧燕堂前反哺媿慈乌从今喜遂连牀约休恨西 夜雨孤

河间旅壁见西樵阮亭前后题诗因忆故园兄弟感而有作

兄弟乌衣擅盛名十年游宦各關情因君重作江南梦一夜池塘草尽生

又题二王诗后

满把骊龙颌下珠摘来都与世间殊何緣暗里轻抛掷可有旁人按剑无

太白百篇徒浪语陈王八斗亦虚名尽人夸说多才思争似王家好弟兄

王元之谪居广陵赋僧舍芍药有感伤纶阁多情客之语予屏居田里偶过邻僧院中适见此花感而有作并寄鷺湖立斋帖思

顾影婵媛不自持芳菲空睹上堦迟凄凉晓日辜新宠憔悴春风泣旧枝纶阁夢迷起草地锦袍腸防赏花时敢思五味为君和惆怅茅檐泪暗垂

万年枝上转春晖忆尔同时下直归白发飘零余我在青云俦侣似君稀雕防望断人何处金屋恩深梦已非怪底天香消不尽可怜还染衲僧衣

少年行

翠袖双弹碧玉笋觥船一吸卷长鲸才成微笑千金散买得人间侠少名

春昼

湿云漠漠覆沙汀春雨春风昼窅防花似敛愁初欲睡山如中酒未全醒人间那有屠龙技世上虚传相鹤经帘外光陰不相待空教莺语费丁宁

秋夜与骏孙话近事三首

十年回首忆同游牢落西风卧一丘吾作官人疑剑外君真廷尉望山头发如綠草经秋短身似黄杨遇闰愁【去岁予与骏孙罢官俱在闰七月】苦欲乘查问消息夜凉河汉正悠悠

云霄数子共腾骞上殿常邀

圣主恩醉酒时污丞相席挥鞭不踏五侯门风前泪落山阳笛【时嘉賓新亡兼伤辰生之逝】月下愁倾北海尊今日昏昏吾与汝齐名江左媿时论【己亥榜发后贾人以予丈同骏孙作合刻号江左二名家】

翟公賓客散如烟絮酒生刍几个探【少师安邱公】东阁久应成马廐西州空自笑羊昙【鷺湖书来始知公讣】閤棺终荷

君恩厚正笏谁将国是担三载扶风门下士犹余穷泪洒天南

吴门喜遇济南王龙师年文兼懷令侄阮亭使君

三载京华别相逢但舌存黄尘辞上国白眼看中原俗薄轻文士时清厌酒尊留君共寂寞新月到柴门最怜君小阮江国久停麾才大真诗伯风流实吏师琼花神女馆碧柳隋【叶】皇陂何日重携酒论文慰夙期

同龙师饮山房

胜地堪乘兴临高数举觞天清秋在水树冷月浮霜咄咄殷生病栖栖鲁叟狂此心两不有何事尔难忘

呈呼先生

先生志节古人风五十犹然孺慕同久废修琴入市少时来卖药见壶空思探玉女凌秦岳欲访金人到汉宫【先生将于来岁西防华岳便道即过京师】策杖担簦夙愿在何时陪侍上崆峒

赠链师

笑戴黄冠下玉京飘然尘 得闲情身从云外寻丹药客向峰头礼磬声指屈沧桑真短景功资鸡犬亦长生何时谢却浮名累与汝同防十二城

送人

卢郎年少正风流少妇闺中有莫愁不学杨雄陪执防却同范蠡去乘舟吹箫自爱君山曲解佩真怜汉水头行到高唐休作赋恐教神女更添羞

野泊

萧条残日噪寒鸦野岸维舟静不哗高寺风多闻夜磬远村木落见人家犬声似豹来穷巷萤

火如星度浅沙入望明河应更迹祇怜无计问归槎

扁舟

扁舟趁晓潮独坐听鸣桡野鹤浑相识沙鸥时欲招枫明霞岸岸苹吐雪朝朝蓑笠真堪老何人爱寂寥

懷骏孙云间

海国风高雁影疎美人渺渺正愁予空吟王粲登楼赋谁献邹阳入狱书梦去青云伤旧侣悲来白髮满新梳茫茫歧路终难问休怨明时独掩庐

白鹭

吴波越浪两茫茫却占荒原立夕阳海鹤肯教成伴侣野鸥应自笑行藏风尘不染衣间素春色难销顶上霜剩有江湖余念否汀花防芷梦魂长

北发令蓉有诗见赠次韵奉答

终年学泛五湖船吴越相看作水仙自问功名三黜老休言词赋万人传青云多媿车中客白首甘师柱下贤念尔雄文谁荐達临歧太息蓼莪篇【令蓉新遭内艰】

北上过扬州寄别阮亭司理

三秋索莫感违羣乍喜相逢便惜分仙吏情深东道主故人心负北山文马嘶别恨随春草雁带声入暮云无限防沟千万柳长条折尽为夫君

送阮亭省覲东归

黄叶投空似散丝相留无计转凄其知君正急庭闈慕媿我徒深离别悲欲去倍应怜往日未行先已数来期生憎赤棒诸门卒稳放车轮出路歧

附王士禛作

忧患余生见面迟故人惊喜鬓成丝茶杯冷淡香残处麈尾横斜月落时沙磧防鸿千防没都亭衰柳数行垂沾衿又作消魂别不为中年好酒悲

题云翎诗卷三絶

不分方丈与蓬莱突耸中天万玉台怪道九龙同培塿六鼇新驾一山来

暂驻鼂轮玩物华凝斟琼液灌灵芽千年结子犹嫌少休爱人间顷刻花

东海悠悠浪拍天丹砂抛尽未成田他时莫被方平笑狡狴麻姑一少年

秋夜不寐三首

孤馆夜不寐寒衾转萧爽惊鼂振庭柯落叶无隠响离忧静中起羈懷益难广 起抚朱弦残
灯耿虚幌应龙果何物飞腾在斯须气嘘烟雾蒸降雨沛九衢防下差差鳞批之常杀軀 因
防欲牵豢畜同凡鱼我爱庭前柏经霜常緑林上有千歳禽唳月扬清音直节无旁柯顔色忘
冬春人云桃李花不言蹊自深青青歳寒姿树此岂无陰

见入京郷人

君家西溪上我家东溪头君家门前水我家门前流忆得初别君扁舟趁潮发岂无澄清志自
击中流楫竭来骑瘦马复踏京华春半年縻薄禄辜负头上巾怪君亦奚为防涉三千里乍见
故郷人还思故郷水水中何所有蹙蹙多劳鱼昔时鱼尾赤问讯今何如

苔

縈砌复縁防凄凉不断青虽非侵要路亦自占闲庭顔子操瓢巷扬家载酒亭尚堪留汝在终
歳共沈冥

咏汉史三首

猿臂将军恨未封老居列校众人中秋来射虎雄心在自挽蓝田十石弓

朝夕常羸粟一囊先生索米底须忙可知殿上容君住犹胜前人遠吊湘

圣主贤臣久寂寥子渊一颂彻中朝如何丽 夸难并只替君王赋洞箫

又咏汉史三首

一篇书奏卓然惊汉殿人人説陆生知道多时交绛灌帝前日日为通名

犬马余年恋主私汲公遗语使人悲如何不悟淮阳譴忘却狂言妄发时

贾乐才华盖帝京鸿都词赋翔新刑天如留得中郎在好为君王校五经

寄询健庵编修三首

昔与故人别秋风满帝京今朝相忆处春草绕堦荣
息影江湖兴忧时魏阙情劝君休捉鼻蚤起念苍生
闻道名园胜新开渌水濱轻轩緣奉母重阁为延賓
泉石推迁数生徒讲肄频闲居亦有政未肯偃经纶
契濶已三载对君仍故吾忧生常鹿鹿感物但乌乌
官拙同门限身卑学戶枢可应车马地反从着潜夫

读书斋偶存稿卷四

礼部尚书衔叶方蔼撰

亮工石公裕庵同坐花下

步履过从不馱踪暂时忘却在天涯聊携清圣浊贤酒共对朝开暮落花最惜娟娟当晓日谁怜袞袞隔风沙豪门不少新移种庭院深沉锦幕遮

送魏中翰苍石从

王师驻防山东余兄时任兗丞治河传闻东土大旱末

章并托问讯

翩翩东征士万马如飞电注矢激流星被甲明秋练清晨超乘出啧啧都人叹中有一儒生白服挥羽扇隘涂尤属目之子允邦彦檄草陈琳羞记奏阮瑀美诂止佐一筹实乃握全算长揖玉帐前抗舌不肯卷能令介冑徒犷悍登时变黔黎乐衽席道路安乘传始知尊俎功他人莫能先

戡外良匪易辑内诚亦难惟民实邦本本固邦乃安山东股肱郡天府资屏翰其地苟巩奠三辅斯不单年来困杼柚男饥女号寒麦苗既罄尽桑枣复摧残榛营狐夜鸣昼探赤白丸中泽声磬磬入耳盈悲酸古云十万户今但遗疮痍赫斯我禁旅将士何桓桓须先卫良善岂徒诘暴奸吾

后有至意君其告登坛

万国为陆海神京乃谿壑转漕起东南逴輦向幽朔鳞鳞千万艘衔尾奉绳约仅资一线流国命此橐钥顷传东土旱山林苦焚灼我主虽已罄神听终寂莫诸泉既云匱尺水行即涸十里方牵挽五里又淹泊军兴百所须仰賴在升合天庾稍乏空中外将安托仲氏老一丞白发叹萧索官小责反鉅仰屋中心忤知君轩车到负弩敢前却防闻订交早班荆定如昨叙旧借尊酒开顏一嚙嚙君其念故人前箸指方略上借培主计下用蕪民瘼因风报京国免我逺懷恶

消息

消息传难定愁心不自聊養痾多事日緘口敢言朝天实滋螫螭人谁产獍梟茫茫一舒眼氛祲几时销

喜元着侍御出狱

金鸡早下放孤臣顷刻欢呼动缙绅九死何曾忘圣主重生真喜答衰亲偶谈冠祸须犹磔为痛时艰哭愈频好语淮南莫无忌汉庭汲黯尚全身

得李信宜书

惠不在天上出门行即到数君赴官日两年隔穷徼常恐困迂谪未能悟静躁尺书来何方读罢喜颠倒既知眠食安复稔政事妙陶潜工种秫孙賓解祀灶山县勿嫌卑前行十夫导课耕度晴冈祷雨临幽窖【县龙山上有风雨二窖歲旱祷之輒应】猺謠杂獐舞殊助开顏笑长安车马路十步九险峭不见永年生【元着侍御】银铛向天叫千金书牒背狱吏尤仇暴芋魁苟充腹无肉安足道

咏唐史二首

軋萃山前暗祷神唐家河朔合烽尘上皇蜀道空流涕今日方思先见人

半夜军中撼帐竿逆腸流出血漉漉满朝公相持杯贺河北都忘史岑干

闷极对酒戲成此篇

人生恰似蚁附磨蚁欲右旋磨向左万事纷糾难预料百忧鬱结空如鎖丝从染后任白黒栗入臼中随扬簸我身自媿非至人焉能无可无不可却思此际真难遣安得浊醪浇磊砢忽闻麴车道上驰两颊流涎口先哆呼童急挈鴟夷沽新釐盛来玉光瑳中圣中贤亦偶然相逢且莫论某轲初倾一醺顏色醺再倾一醺冠帻堕兴到何妨狗窦窥狂来直上木杪坐门外风波百不知 惧欹防与侧柁

捶鐵

捶鐵作吴钩空思绕指柔广場聊袖手曲径少低头滂美登牀马还怜入庙牛人生悟倚伏亦可减余愁

万柳堂即事

亚夫营畔知多少陶令门前信有无何似平泉今日好春风舞遍万千株

欲构凌云百尺台须求巖壑不凡材君防婀娜千条色好与行人繫马来

树人树木理相同此世终思软美工涧底贞松鬱千尺为经霜雪更菁葱

短发

萧萧短发不盈巾犹逐诸贤马足尘半世已成莊叟木一官长作汉家薪思枯笔秃排千管臂弱弓弯罢六钧祇有忧天心未泯才教开口又防嗔

大雪口号三絕句

官舍萧寒剥啄无朔风撼户似惊呼日高厨冷炊烟断天为妆成卧雪图

破絮防头冻不支巾宵忧

国睡来迟比邻鹅鸭声喧鬧梦里三更入蔡时

三寸毛锥百战余长抢大剑比何如平滇露布新裁就盾鼻横磨手自书

防關旅次酬雪洲

以我悠悠者怜君落落神兹游欣接袂把卷忽沾巾此事推袁从何人說项频江湖相对意休恨二毛新

旅舍对月

皎皎侵 隙盈盈出水壚惯欺孤客枕偏照别离筵露濯应增洁烟霏更益妍祇怜谢希逸纤軫向谁宣防上同周大西编修王雪洲给諫夜坐时大西雪洲各有所适予亦将还吴门

楚客三年别吴歛一夕同峡云虚旦暮沟水忽西东杯度深更雨灯残静夜风有懷俱不寐非是为飘蓬龔龔人谁笑营营俗共称祇应悲晚晚莫更羨飞騰往事真骑虎今身得纵鷹贾生两行泪无路洒桥陵

与雪洲饮酒作

王郎手持金叵罗长鲸一吸无洪波叶生攢眉对醺醪卻防卮酒如鴆毒王郎大笑絕冠纓髭髯拂醄俱有声旧日交遊从零落眼中之人惟麴生自古贤圣嗜此物君今不饮名真 唐尧千钟孔百觚淳于一石季十榼头上须留陶令巾腰间常荷刘伶锺拨闷端如雨洗尘浇愁还似汤驱雪醉鄉何贤愚憧憧来往无巧拙醉鄉何昏旦漉漉长夜无日月盜跖何浊伯夷何洁鸢鸟何祥鴟鴞何孽陶然付混沌万轮齐一辙叶生掉头不肯休谁能解释心烦忧哺糟啜醪矜達節嗟予自媿非其俦君不见汝鄉屈大夫行吟顛顚湘江头便令云夢变春酒更教大别成糟丘詹尹引觴渔父劝借问此子肯醉不

僧院见壞翅鹤为賦八韵

癯骨相怜从摧頽此不禁尘泥应有恨霄汉竟无心白雪翎常短丹砂顶淖深舞余两垂手曝障一边陰卫国轩何在吴都市莫寻晚栖乌共占晓食鷺先侵犹许依孤锡防教伴破琴寥寥九皋上几日更闻音

过筑夫王先生馆留饮时伤伯吁之逝

耆英零落似晨星犹喜今朝见典刑老子在周须问礼伏生归汉尚传经可緣爱客亲烹雁每为开编自聚萤天许生人留正始斯文肯便沉

题锡山秦对巘检讨园亭二首

淮海风流客幽巘此卜居清秋作赋里白日卷帘余神女贻斑管山灵授素书已忘东壁下宛挂一银鱼曲曲皆依水层层尽作峦风尘徒自窄云壑喜常寬草暖藏麕径花深鬪鸭阑可容薜衣子暂此听鸣湍

得二兄黔中书二首

千金片纸半年程泪湿緘题字灭明第一书中难忘处对牀风雨五更声

苦竹冈头望故乡千峯万岭路茫茫如何割得愁腸断枉說山尖似剑铓

庭桂方开遇雨不止

桂树幽巘下开时近小楼那堪一夜雨禁断满园秋细蕊和香落繁条带恨休自怜愁万种更欲替花愁

偶吟

蝉吟木叶乱山隈 对残阳白发催着短衣随射虎去携长竿待钓鼈来倦时捧腹便便筇醉里张颐满满杯顾影掀髯还自笑祇应我与尔徘徊

商君

商君立法古无伦谁道兴秦是灭秦防到车前分裂日咸阳市上笑千人

秋夜

眼防秋尽此江濱客自凄清酒自醺欹枕梦迴钟窃窃窺梁影墮月纷纷豹栖巘底终嫌雾鹤宿松颠更碍云谁念多生顛顚质年年行迹在人羣

吴定遠畫虎歌

吴侯示我猛虎图邀我为赋猛虎歌市朝陵谷从迁变世间恠事何其多昔闻猛虎负嵎恶山中无人采藜藿今来猛虎悉化人着朱骑马据要津真虎食人犹可避人虎食人那敢拒天符赫赫手自将驱使杜公如驱羊人肝作炙血作酪千夫未充一饌乐太山妇人哭声悲朝食其夫暮食兒黄公赤刀佞鬼窃可怜失势翻遭狎吴侯吴侯请君貌虎毋貌形冠裳之徒比虎还狰狞呜呼吾生不辰眼中日对汝名汝为虎虎亦耻

贈一公

北 镇日坐腾腾自把闲身阅废兴顾我全抛黄绶客爱君不着紫衣僧秋林汲罢沾双屐夜雨吟残静一灯十载名心刊落尽不须更为說三乘

霜叶

亦知春去从刺眼乱红迷树树开能徧村村列正齐乍疑金谷路忽讶武陵溪锦暗千重障丹明百丈梯栖偏怜翡翠舞只许山鸡有恨过桃井无言胜李蹊烘霞长似醉染露恰成啼用尽妍华力防来祗一凄

贈侯生大年

冰玉诗篇句絶伦相逢真对上清人风前已捉驱蝇塵雨后仍夸垫角巾无奈销魂当白昼谁怜拥鼻过青春自慙不是山公比欲望嵇生早致身

咏西隐寺古松寄陆处士天浥

万草俱凉露开门揖古松端如君子节不羨大夫封萝茑寧能附烟霄喜见容翩翩疑下鳳拏攫忽成龙白鹤栖来迹青牛化去踪昼惊霜飒飒晴恠雨淙淙突兀无妨傲支 欲任慵葛洪祠畔觀韦偃畫中逢竹老犹输劲兰衰自让茸惟应迟幽客寒月共听钟

一夜

一夜秋风徧草堂空堦凉月迴如霜水禽噪客喧兰渚山鬼窥人傍荔墙湧兴诗成闲处咏絶交书在篋中藏祢衡短折嵇康死始信时危不易狂

南荣

破絮罢朝眠南荣兀坐偏不知愁有力翻恨酒无权日爱赵衰暖风忧张旭颠还怜曝背乐难得献君前

有感

始信天难问谁言照便廻单车孤使去一篋谤书来絺绣真牺累青黄是水灾巫咸何处叫还望帝阁开

山中招吴明府饮酒

青山如故人别久情愈好投馆未停骖一笑先倾倒故人狎主此青山年年为政心长闲胷中自具丘壑古衣上时露烟霞斑怜我爱山癖置驿常近青山侧手携陶令巾脚踏谢公屐巘头紫翠落纷纷朝来暮去唯行云林间独宦引幽步堦下流泉洗俗闻十千沽得吴市酒玉壶朱绳繫双肘折简殷勤问故人肯来共酌青山不白衣苍狗时时新桑田三变底须论相逢不改生平意只有青山与故人

邹黎眉令子

片玉是肌肤天成骨相殊已能谙调笑讵仅识之无客喜争摩顶亲怜任挽须防君时抱出何似鳳将雏

托九江守江侯问彭泽令李君消息

寄语浔阳宰风流挹妙才遥知书到日定值鞠花开邑小稀停牍官贫罢举杯江州使君在应遣白衣来

闻学士张蕙山先生去官二首

北使新传信西江又上书事危同折檻情急类牵裾葵藿终须罄雷霆幸尚虚玉堦立仗马相顾道何如十载登朝梦扁舟去国程

主恩诚浩荡臣罪自分明肯负论思职羞高諫静名知君恋阙意耿耿寸丹清

十月二日作

簇蜨金泥罢舞裙帐中残梦昼氤氲可知半面刚畱郤犹胜他时觅少君

河上

楚魂湘血两悠悠离恨从来怕遇秋肠断今朝河上路他年忍为再廻眸

无题

一寸万愁侵危腸九曲深销魂惟有别拥鼻不成吟枕上明传恨尊前暗损心何曾通嬾婉只是费思寻第一花难种初三月易沉已知虚却扇犹自惜遗簪呜咽村邊簃凄凉屋下砧东厨步兵泪痛洒定谁禁

按圖

按图何处索骅骝惆怅空羣一顾休珍重昭王求骏意年年马骨长如丘

嵇留山抱犊图【二美人侍侧】

经年抱犊意如何消得佳人一盼多应笑当时穷窳戚有谁相和饭牛歌

吴使君席上遇宣城沈生长歌

敬亭才子何絶竒长髯飘洒青云姿开襟恍疑握冰雪摇笔便欲奔蛟螭延陵使君今大雅倾身接士心弥下道旁频见驻旌旄市上时闻停驷马神物防合岂偶然嘉賓贤主人争传恰如碧眼儿忽覩珍珠船又如骅骝驟耳逢伯乐追风逐电相后先三衅复三沐礼数逾常贤塔下亲结王生袜众中独赠绕朝鞭贱子迷方适至此往往蹊屐叅华筵见之感叹生慕悦令我胸中硃礪抑塞登时捐天下几人未聳瞽风尘碌碌徒相苦牺牛常自被文绣爰居公然飡钟鼓一人知己死不恨纷纷轻薄那足数乞米肯向陶胡奴求食须从谢仁祖丈夫致身防有时不用萧条色如土杜陵广厦千万间但愿使君永作寒士主君不见东京甲第高刺天五侯七贵门喧阗三千珠履士过眼成荒烟又不见石家金谷夜宴客车行醴酒马行炙昔时歌舞地今朝狐兔迹手中尽我金屈卮令名不朽君须知古来惟有留賓驿人人只說郑当时

冬夜过汪大闲话时予将入都

荷衣脱卻换朝绅再向东华趁软尘敢道身真违鹿豕可缘形要上麒麟须眉尚在终嫌我项领无成合让人不信孤懷常脉脉相逢未好共君论

江湖廊庙总漫漫出便难时处更难捩手覆羹寧自取转喉触讳太无端未知血向何方洒暂觉心从此际安犹有无聊堪借期君为我一弹冠

题马相士英畫兰卷子

萧兰同尽复何言卷里春光似故园想得当年含墨意如何不怕碍当门

寄彭十进士

忆得金昌别蹉跎复几年懷君长落拓媿我屡迍遭寂寂供人笑伧伧暗自怜风尘频扑面霜

雪渐侵颠枥马思千里
羸鹰盼九天未能忘
小草还望涉前川
忼忼王阳绶殷勤祖逖鞭相期
终一出休办买山钱

钊山雪夜饮对巖舍

雪花片片大于席
庭下碎琼践一尺
主人投辖客忘还
明灯促坐重闭闕
清酒三升面沃若
狐裘虽暖不堪着
北风吹雪入帘来
堂中庭下共皑皑
对雪还思何处好
门前便是九龙道
主人清羸絶世顏
四坐朗如行玉山
九龙岵嶿攀难及
未若主人近可即
千巖万壑胷懷间
随人领取心更闲
东方渐高柝声急
乌头尽白啼不得
客爱主人进一杯
殷勤莫放玉山頽

题昭阳李季子诗卷

寒灯照雨夜 幽横吹才听泪已流
彷彿余音诗卷里 怜君比我更多愁

絕句

初见江草綠复惊江花红
自怜惘惘意怎底对春风

枕上闻鸟鸣

林鸟才一转羈懷已万端
不辞言语拙真恨羽毛单
出谷势方遠迁乔路更难
春风来枕上祗是助洄澜

河上

莽莽河声不断愁
拍天惊浪共云浮
几时来告两黄鹄
终日忘机双白鸥
使者徵求徒跃马
灵巫歌舞只沈牛
憑谁为语波臣道
宵旰须寬

圣主忧

途中晚发

风急雨潇潇
行人晚渡桥
野花浓淡色
官柳短长条
扳处方 别开时
正閨寥
谁教背鄉邑
错恨马啼遥

清明

暖风芳草尽伤情
客里昏昏不记程
林外卖 刚唤过
忽惊今日是清明

客中见新月

马头新月正纖纖作意随人到短檐长有清光流肺腑不知霜影入髭髯最怜迢递频移席为爱分明数卷帘灵药捣成应乞我免教愁病一身兼

途次遇房慎庵 考吏部入都

梁公好孙子献赋旧同遊判袂当京雒班荆喜道周郎官应星象启事更风流早待铨人物提衡遍九州

偶成

极目惊沙卷断蓬敝裘羸马夕阳中剧怜防狗形相似妄擬犹龙气不同少日几曾嗤邓禹晚来祇自笑扬雄九衢咫尺非容易防 何当见此翁

村舍梨花

承露玉盘新生成絕防尘真嫌脂粉浣不许蝶蜂亲投宿疑蛟馆通名是璧人卻怜荒径里占断十分春

晚望

暮云深树带遥津斜日平沙少去人惟有多情河畔草青青一道防雕轮

旅舍灯

防焰消欲尽余光寒尚荧不甘为烬灭强欲向人明幽称僮酣睡昏骄鼠鬪争羈愁正无頼默坐数残更

题沈侍讲应制诗

月眉云髻众争夸一缕先封繫臂纱多少秋宵眠不穩竹枝插户待羊车

予与秦中李大令岷瞻相慕甚久尚未识面旅中忽防枉顾值其初罢官感赋此诗

鼓罢焦桐叹絶伦相逢都惜爨余身多时把卷亲佳句忽地通名似故人万累未除那免恨一官虽去尚留贫钓璜梦卜寻常事闻道君家渭水濱

岷瞻偶为武人所冒戲柬一絕

防陵夜猎罢亭尉醉呵闻几时北平守重拜李将军

同岷瞻听琵琶伎三首

共听旗亭一夕歌關山迢递奈愁何可堪处处浮云在鲁道难于蜀道多

声声怨似扣哀玉片片清如击断冰座上岂无白司马尊前自对郑中丞

知君世本谪仙家斗酒千篇乐事奢闲煞清平三调手却来村舍赏凡花

歷下贈德州卢进士【予兄所取士】

前年献赋动京华到处人惊手八叉尽道崔卢真旧望不知孔李是通家新莺乍啭明湖柳骄马曾嘶上苑花自愧周南留滞客逢君青眼倍咨嗟

题斋壁

荒堦十月尚鸣蛩老树无枝宿鸟空未晤前贤真乐处簞瓢风味宛然同

紫陌诗柬曰緝侍御

紫陌风吹扑面烟朝来昏去只骈阓便教白日有沉处争奈红尘无尽年得路马皆矜骹裹隔帘花更鬪婵娟何如一叩梁居士半夜心清绣佛前

曹騰

醉便曹騰醒便哀思量无计絶嫌猜千条尽烛难争月百树奇花不当媒倚柱立多频怅望绕廊吟徧只徘徊瑶池宴罢须臾事一瞬终防八骏廻

贈栞客陈生生尝从张御史渡海使琉球

一曲南风始奏薰碧空飞尽海山云莫言古调无人赏犹有鱼龙防识君

寂寂

寂寂空庭浅浅斋爱闲最喜是无才苍苔旧为寻诗破素醞新因拨闷开蹠马防隔巷去悠扬蜚怕过墙来羸童拥絮呼慵起不信春光到郤廻

吾庐

浩荡东风寄此身吾庐虽破足相亲月如远客归常夜花当 人见隔春谁信东方官是隐应
知原宪病縁贫此生争不甘沦落未解何门去扫尘

黯黯

黯黯轻寒减复增半牀明月一帘灯睡难稳似懷春女坐易枯如结夏僧雨细尚能淹楚簟风
疎浑欲透吴绫明朝怕向城西过愁对峨峨数仞冰

偶见

公子垂鞭出禁城翩翩珠勒映花明金丸脱手知无数莫为乌鸦弹恶声

送薛大武给事罢官归里

无嗟壮歳早抽簪去国休为泽畔吟当宁爱才还侧席故交惜别更沾襟堦前白马行空意臂
上青骹竦汉心隱跃眉端黄色露防君那肯老长林

咸池

想像咸池出浴迟扶桑隱隱最高枝无人为唤阳乌睡万国中天待照时

重到院中作

玉堂铃索响丁东禁籞深沉有路通春色未须悲晚晚花光犹自爱葱茏坡前视草鸾俱集池
上吟诗鳳不空肯笑一枝栖处少几多梧竹月明中

旧遊

犀押湘帘拂地长旧曾遊处扑衣霜凄凉汉室黄金屋惆悵卢家白玉堂兰为作膏终化烬桂
縁经蠹枉留芳一双紫燕寻巢入只认当时玳瑁梁

院中花

灼灼粉闥晓辉辉青 晨自矜曾笑日不肯更撩人蜨舞防无数莺啼恨太频谁知禁苑里亦
有寂寥春

出城望西山遇雨却返

万重云雾暗严關紫翠苍茫宵莫攀防待长风俱扫尽家家开户有西山

云梯

鹤困深林玉贮泥强将病眼望云梯谁能寂寂心无闷长怅悠悠运不齐鲁国岂知容海鸟秦台枉自骇山鸡多情红蜡相怜惜只向春宵泪似啼

题茗文紫藤架三首

红尘日日马蹄生踏遍天街不记名只有君家容易认紫藤花底读书声

幸与高贤相近栽芳菲肯鬪春开除君共我憑闌望更有何人解防来

轻红澹紫自然妆拂檻拖檐锦幕张却恼杨花太无頼异香深处独颠狂

过安邱公故第

陰陰古巷昼长幽一度经过满目愁谢傅围基无别墅庾公明月有高楼【公在日有言其第宅逾制者勅使按验惟小楼数楹】马嘶径熟行频驻燕蹴帘空去不留独抱觚生两行泪感恩兼为感时流

胡给事宅邊闻蝉

一树金风动晚烟苦吟狂噪夕阳前早知徒聒愁人耳争似寒宵抱叶眠

题吴君闻夏诗卷三首

枫落吴江句乍成崔郎五字擅时名防君衮衮千篇在好遣前贤避后生

官舍秋风叹二毛感君诗句慰萧骚抽毫欲报还搔首始信阳春调最高【集中有赠予二诗】

一卧穷荒歲月多君家难弟恨如何新诗一变当年体和尽陰山勅勒歌【君家汉槎予同年生从谪塞外尝于友人处见其所寄诗叙述彼中景状悲惨动人君集中亦有寄弟诗】

中秋夜对月独坐三首

乍雨却成别【是早微雨】忽晴如有期人夸方满际吾惜渐亏时消息谁相待升沉自不知此中能防得何用问庖牺遠雾参差卷明河浅淡流清光能皎皎孤客共悠悠败砌吟虫杂卑枝宿鸟幽寂喧随物感吾意总无留楚蜀方添戍江闽未息兵

国忧今日急民命此时轻短杵传邻怨长謡识旅情殷勤中夜月好炤鐵衣明

乙巳除夕前一日邀吴处士小饮时予自都下归抵家六日矣

窗拂虫丝迳翦菜为君解榻暂徘徊无多景已除将尽几人能暇即来碧裊香抽双穗出红
催烛报一花开相逢莫滯嗟穷老差胜天涯浊酒杯【处士向同客都下】

丙午元旦和吴处士

身世无劳唤奈何宦情乡思两蹉跎酒中千日祇嫌少鬢上一星犹恠多标格未妨梅冷淡风
懷犹怯柳婆娑何人能解阳春意怪尔轻为白雪歌

人日

新年春色暖融融人日晴光更不同水向野塘犹自綠花非绣幕亦能红听莺树下霑初雨试
马堤邊畏晚风若比道衡鄉思苦还家已是二年中

得二兄贵阳除目

十年初见一官成谁料翻为万里行塞马亦知难预计原鹄无奈独关情熨中童叟瞻冠蓋黔
口山川记姓名我乍廻车君叱驭相期忠孝是家声

梅花

千林霭霭淡斜晖独凭阑干露湿衣但爱笛声清似水不知片片玉鳞飞

偶成

婷婷嫋嫋十三春撩鬢当筵色色新莫为千金轻一笑枉将下蔡望时人

过山庄荅邻人问

几年踪迹厌蹄轅倦翮新思返故园适兴已无欸段马消愁还有雀罗门 前鳳餒桐生子堦
下龙吟竹长孙二顷甘禾桑百本与君事业在山村

村舍见红紫葵花开特可爱

挿棘编荆茆舍清此中谁擬见倾城紫丝作障遮空暗红锦裁衣曳地明惆悵忽从攀处得凄
凉多为别时生不须更结繁华梦野蜨山蜂自有情

得汪大都中书讯予近况赋此代荅末章兼懷王十一兄弟

层叠离懷黯自知
剧于茹檠乱于丝
梦中屡逐追欢地
醉里频吟赠别诗
怕按危弦肠易断
懒拈清镜鬓先悲
黄金若使真堪采
不铸君来更铸谁

岐路西东举足生
故乡翻似异乡行
石碑街口谁能语
碁局中心自不平
虚为花殷怜宿雨
每因月好厌春晴
淳于善笑唐衢哭
未敌长吟半句情

浮云晦霭日车藏
东望扶桑万里长
蜃自蔽空难作屋
虹虽架遠不成梁
移山欲笑愚公拙
填海终悲帝女狂
争敢遽夸身事了
一竿烟水便相忘

陆家兄弟本奇才
入洛聯翩塌翅迴
空有心常依禁閤
可怜泣尽化琼瑰
【二王皆以郎斥】
泥埋骐驎终教瘦
雪压芝兰不放开
曾忝交知称夙昔
暮云春树更余哀

读亡友朱生遗诗

文心雄骨两成尘
黄土生埋玉树春
一代尚无容迹处
九泉 有爱才人珠沉断浦
光终露剑没深渊
气自新比似山阳闻
邃泪今宵卷里更沾巾

赠张秀才十二韵

楚楚张公子清新千首诗
才堪题柱日年正弃繻时
尽爱成风笔争夸倒峡辞
连章珠作贯单句玉无緇
比射穿如札为锋銳若锥
王髯应结舌汪瘦定低眉
【予尝称海内词客二人汪琬
茗文王士禛貽上也】
谬许将蠡测多慙类管窥
枕中行擅秘席上屡称奇
欲和还搔首才吟便解頤
时名甘避汝古调防矜谁
李泌推仙骨杨修是小见
投桃真恨拙报玖莫教迟

方塘

方塘如镜月如 绮陌风光只似前
草暖庾郎盘马地絮飞谢女咏诗天
重寻好事疑经梦更盼佳期恍遇仙
待与何人共攜手隔花羞见蜨翩翩

一炷

一炷心香半夜钟
落花时节感相逢
未知别后情何限
但觉春来恨便浓
官阁鶻曾欺彩鳳
洞房犬亦号乌龙
尘间真伪诚难辨
弱水仙山隔万重

春日

柳短间莎长春风触处狂
蜨飞遗剩粉莺过炙新簧
银榼频倾酒金鑪满爇香
可容穷阮籍一

恸绮罗旁

二十二夜月

四更三防万方眠起步清光思悄然提取妖墓付灵药不教破镜上青天

柳

裊雨拖烟万万丝秋来顚顚不胜悲何人曾到灵和殿记得君王手种时

雪洲给諫夜过

奎光东壁黯神伤闲夜相携酒数觴鳳胫照残人寂寂鱼腸防罢月苍苍罗衫浥醺防常湿粉
纸沾煤麝更香共话沧桑十年事一声触拨泪千行

偶成

不识平阳宅今防拂面花春风是何物只许在君家

董孝防苍水入都诗以讯之

青衫破帽老骑驴尚有狂吟癖未除入市摇头谁识汝逢人拥鼻只愁予囊中留得一钱不篋
底赢将万卷余圣主若求词赋客雄文今日似相如

送刘教谕之唐山故相安邱公长子

一经且莫叹磋跎韦相传家事若何每念恩施同戴岳忽惊歲月似流波自从东阁丘虚后时
过西州恸哭多白首门生怜尚在郎君今日又鸣珂

送钱孝防南归谒其座主慕方伯

献防归辞

帝里防送君仍复上扁舟屠龙有术身空贱相马无经世自羞踈雨过城槐叶暮夕阳连树早
蟬秋还闻博物司空在拂拭光芒动斗牛

东城行

东城上酒一尊东城下冢三尺分明记得冢中人旧是东城饮酒客防日高台贮歌舞今朝废

院牵荆棘繁华俄逐东逝水欢娱难驻西飞日登丘一长望惟见草间狐兔纵横迹欲弹雍门琴悲风转萧瑟世无孟尝君谁能听之生于邑君不见千人万人邪许声东城又报新第成

游侠篇

君不见道旁游侠客衣冠结束何济楚十千防酒共欢乐下马握手吐肺腑腰间短钩冷血腥借身报仇不知数黄金牀头飞电光满堂颜色焦如土吁嗟乎夷门軹里何人斯千载之上亦可疑

题钱宫声画兰扇

只此数茎色幽意繁宛传骚客怨疑共美人言未必求充佩犹应畏碍门美君懷袖里吹气不胜温

江上偶成

欸欸风传澹澹钟低空暝色暗千重欲将何物销尘念每为芳时损病容江外余霞怜谢眺柳邊新月想王恭华阳书信今宵到忆得前身住此

寄二兄莱芜二首

见面常虚歲开械动隔旬谁怜彊项吏犹作折腰人薄禄仍懷寶清时且积薪朝朝拄手板岱色足相亲弱弟烦且念狂奴态未除祇緣甘失马讎敢学防鱼诗奎频分閤糟丘屡卜居翻思对牀夜风雨闭空庐赠慕崔鸣方伯慕尝使海外受岛帅降

早闻儒术振關西闽海还防靖鼓鼙岛上降王捧马足道旁垂白卧车泥共推雅操南金并真仰高名北斗齐今日属公分陝事可教江左慰残黎

燕

翩翩双燕子相别隔年除去日秋千里来时春万家新泥坊底叶旧垒屋檐花欲问乌衣事前朝日未斜

寄阮亭淮上二首

长淮浊浪昼喧豗如水门清日日开独抚素琴堂吏防自烹新茗埜僧来啣杯便合无公事作赋应惊有异才待寄相思与明月高楼频上影徘徊

短髮萧骚卧涧阿非才争敢怨蹉跎兰生幽谷凄凉惯木老深山拥肿多滂倩青蝇为设吊空

劳闲雀与张罗涉江祇道风波恶欲采芙蓉奈远何

过呼先生郊居

先生竟白首日日坐空林鉏菜英雄事灌园高士心鱼跳莲叶外虫响荳花陰客防将归去时
闻梁甫吟

偶见

百尺楼台上矗天千人畚锸不论钱劝君棘艾休芟尽狐 他时欲穩眠

清江旅次

信美犹吾土登楼百感生雕龙还自笑画虎竟谁成易下春风淚难平夜雨情故居连上苑乔木正迁莺

将登陆寄书二麓旅馆戲题其壁

读书易为感废卷复愀然晒腹骄时輩悬头晒防贤纵横防鬼簿杂沓祭鱼篇尚可千甔覆休
教便弃捐

过阮亭署值其卧疾

小院春风防鬱陶帘前草色妬青袍知君正抱安仁恨三十休教有二毛

河上早发

喔喔荒鸡旅梦迴驿门才啓马啼催道旁曾见裂繻出 吏还疑投笔来西望长庚光胜月东
奔河水疾过雷青禽一去无消息鸬鸟如何好作媒

莱芜家兄署

青山匝县城涧水比人清径僻稀邮迹官贫称邑名村童呼犊起瘤女报蚕成尘甑前贤事休
令独擅声赠静海令同年卫侯卫先为保定推官

故人昔佐郡三辅已驰名疲邑今为宰期年政又成胡威匹绢美刘宠一钱清试听輿人颂知
君更足荣

役从

役从已忘瘁登临忽自伤客情鲁酒薄乡思越吟长望尽游元气愁来塞大荒帝车高指处应记是中央

小游仙诗十二首

员峤松仁大若壶携将日观赌擣菹偶抛数粒沉 脚不道曾封五大夫

沧瀛清浅未扬尘此日麻姑又问津寄语蔡经洒扫待方平相过欲烹麟

洲四序只如春王子茅君作比邻来往不须争礼数樱桃花下着纶巾

传道西王下碧虚抠衣趋侍五云车真言不敢教人捧肩佩盘囊贮玉书

自信成真自未凭嘿朝常灼九枝灯乘风使者遥相贺仙榜题名叶静能

天半刚风特地吹尘躯凭仗得相随青鸾未惯人间事卻恠儿童不解骑

度索蟠桃得种来玉田金鴈手亲栽三千年后身犹在防取红花一树开

雷府烦劳不易为清班惟有八霞司顽仙也爱文章事把卷同吟丈丈诗

上清无事不成忙河伯相邀赌桂浆赢得先生开口笑人间已是电飞光

紫云穿处日初斜上士飞轩降碧霞乞与安期一枚枣防来只道玉园

上真相唤共闲防风雾为波偃月舟善现城中才一日人间千歳事悠悠

一簇笙歌出海云夜深同宴小茅君先生醉后挥狂草墨污星娥紫电裙

吴郎歌赠虞升秀才

吴郎白面红颊颧风姿奕奕人中仙萧条仅有马卿壁寂莫祗守扬雄 乡里儿童好项领纷纷得路争先骋吴郎三十犹麻衣独抱残经吊孤影侧闻使者选才贤喧传吴郎早着鞭父手万言应时毕众目一叶当先穿男儿有身谁不美要令千人万人见橐笔须登白玉堂振衣应入金华殿上林二月花参差马蹏蹏香风吹摇鞭跃马防花去始是吴郎得意时

山行

春浓如酒水如油乘兴东风上钓舟壮志已消还击楫孤懷无奈更登楼柳条爱客舒青眼梅

藁禁人弄白头早被山灵暗相笑年年心事遶沙鸥

题葛处士庭中绿萼梅

短竹疎篱处士家闲门深闭日初斜几花防尽无颜色应为仙人萼绿华

梅花

标格非不好孤高难共亲伤 长在眼赠逺与何人照水唯怜影含风只弄颦窥墙寧有意宋玉枉伤神

舟中雨

倚篷独对 雨卷箔时闻翦翦风坐似维摩方丈里人如陶岷畫图中掠波水鸟一双白照防林花无数红歌罢沧浪还自晒尘纓欲濯与谁同

酬钱叟赠别二首

识君名姓廿年前此日相逢雪满颠入市吹簾心尚在当筵挝鼓态依然唯应酒到常开口但合诗成自耸肩枉說长安半知己几人为办买山钱

栖鸦门巷冷如水剥啄随人唤不膺膾有数编堪永日还悬一榻待高朋违时祇恨须眉在忧

国频教涕泪增更拟期君定何处吴山越水一枝藤同魏侍郎环溪先生寄李学士厚庵二首
【李时奉讳家居】

疾风劲草共称难真信乔松耐歲寒此日敢云臣节尽千秋惟觉已心安人间大有当为事天下从今着眼防自古盛名非易副期君努力答弹冠

屈指征輶盼望频音书忽到泪防新

帝方需尔为良弼天忍教君作鲜民读罢蓼莪应有恨听残风木转伤神显亲他日无穷在聊复裁诗慰故人

附錄魏象枢作

闽海由来礼义乡妖氛忽尔报猖狂奴顏婢膝真无賴大节孤忠倍有光间道蜡书臣分在中朝纶綍

圣恩彰平生学道今方用自愧衰庸老侍郎

心恋

彤廷出户难

至尊久已鑒忠肝綢繆乡土休遗防保防家门莫苟安忽抱椿庭千古恨可怜苦块一身单生
刍欲寄關河阻静夜题诗月色寒

忆故山柬說岩先生

家傍东吴鱄设诸思归日夜未曾除夢题笠泽波间寺心忆灵威洞里书后乐先忧公正在昨
非今是我还知终期一奏

重瞳听乞取江湖养拙踪

附錄陈廷敬和作

传柑时节见桃诸物 乡思未破除自爱松风 景梦已多经笥邨侯书某丘某水今无恙公
望公才世得如欲解朝簪先让我青春双髻又萧疎

立春日叠前韵柬說岩先生

九十春光信有诸六分取次一分除【唐人云六分春色向人流今歲以正月十二日立春则
六分已去一分矣】客来厌听新生事老去愁逢未读书挝鼓烧灯诚欠此焚香扫地亦悠如
西园桃李休相笑松柏青葱那便疎

附陈廷敬作

莫向东风吊望诸黄金恩重让新除频年霄汉依经幄数纸龙鸾捧

御书师友平生夫子共文章当代几人如春来崇政朝朝防名迹相亲应未疎

闻李雷州陷贼不屈二首

岭南斜日战云埋尽說雷州太守来幸免鸱夷浮骨去并无马革裹尸廻一身取义诚何悔百
口同归实可哀深憾竟稀血 在不留残祀慰泉台

孤城援絕执奚支嚼齿如闻怒骂时人道钟仪作囚囟吾知南八是男儿生羈命已防同寄身

在心还欲有为厉鬼从来能杀贼祝君速死不须疑